



10807

金華詩錄卷二十四

明五

宋璲

璲字仲珩浦江人學士濂仲子少知名洪武  
年徵濂冢子瓚之子慎為殿庭儀禮司序班復  
召璲除中書舍人上時休暇輒命題試璲慎而  
戒飭之語濂曰朕為卿教子孫也濂奏事倦命  
二人扶掖下殿一時以為榮濂歸未幾慎以胡  
惟庸累被刑璲亦以誤對得罪而濂亦坐戍璲  
工詩善書於書法尤佳真行草篆俱入能品與

明

金華詩錄

卷二十四

宋克宋廣稱三宋云

方正學宋仲珩廣誌銘君姿粹清學粹  
美文辭妙麗天所畀書尤有法配虛季

中書舍人官五稷三十有七庚申死季冬八日時加己姪性迎喪友經  
紀配方甚淑懌其子從太史行莫為主嗚呼致斯果疇使 明詩綜詩  
語明初詩人善書法有正書則楊孟載張翔南行楷則唐處敬張璲仲  
草書則宋仲溫周履道章草則盧公武隸則吳圭一節復儒大小篆則  
張士行宋仲珩珩受業於趙古則故精於六書南村稱其大小篆純  
熟姿媚行書亦有氣韻今誦其五言離奇妥帖惜不永年兼為書法所  
掩 清江志高皇御瑞門出元內庫蟠桃核半片大可盈掌命璲作記  
璲書之稱為雙絕 婺書璲子懌亦工書建文朝為翰林侍書 按序  
班死於洪武十三年十一月舍人死於十二月學士以孫果茂茂州可  
謂顛沛流離之極矣學士行至夔而卒作觀化辭書示隨行二孫以終  
託之以禪蓋不得已而歸於空虛也其辭曰君子觀化小人但化中心  
既但何以能觀我心情識盡空等於太虛不見空空不見空六小乘  
法不過如此人不自信可憐可笑示恪  
示懌後人寶之曰觀化帖畱傳鄭氏

寄章允載兼簡項思復

憶昔別京畿與子寓官廨一見即相歡不翅舊交快惟



時因道塗驅車久行邁忽逢弛擔初欣若身脫械握手  
坐甞能軟語慰疲憊情投比黏膠意愜甚搔疥項君數  
過余滯下喜方瘥三人互談劇何殊合糾繯騷鑣出游  
行古績探奇怪路入青蓮宮駐足聽梵唄薄晚始旋邸  
傾倒形忘療周詳論書譜從容說詩派凡習尙浮華遺  
音日以壞作者固繁夥咸韶混夷秣瀾倒併波隨疇能  
揀危敗顧余樗散材頻年處卑隘柄鑿乖方圓甘遭世  
俗賣人將競嘲譏子乃敦教誠苦言加箴規默默使心  
解酒酣示新篇詞源極滂湃郤類任公子投竿下羣犗  
應知藝嘉禾薈治絕蕘稗讀之神駭驚秋蛩罷嘶喝政

明

金華詩錄

卷二十四

二

圖藉薰陶別還隔遙界欲叩寢食安但復占爻卦浦汭  
守衡茆無從豁矇瞶譬諸鐵在鑪伊誰鼓風韞况乃患  
沉疴軀命猶織芥侵尋閱暑寒孱弱乏剛夫精神盡凋  
耗面目多腫黧布衾煖閣眠藥貼晴檐曬年來已告瘳  
書齋仍掃灑援鶴亦爭慶似索烟霞債綴賦詠雕蟲攻  
篆學垂蕤有時看飛泉四山寂無尺思取古遺經一覽  
適炙噉蘭膏繼日晷矻矻警昏懈視已常欲然進業慙  
質糴志須成絲泉未能脫菅蒯篤信晏安中懷毒劇蜂  
蠆蚤暮自深省此語諒非覺近聞子亦歸親朋樂情話  
千里感遺書殷勤持一介而翁幸康彊媿缺牀下拜執

簡立臺端百壬不敢柴道遠竟莫前勳若飛翻鍛歲月  
無停輒季冬修已屆籬菊傍雲肥江山日如畫軒車幾  
時來夜雨一鐙挂明德正可崇相期各云勸

采桑曲

桑芽露春微似粟小姑把蠶試新浴素翎頻掃細于蟻  
嫩葉纖纖初上指朝采桑莫采桑采桑不得盈頃筐差  
將辛苦向姑語妾命自知桑葉比家中蠶蚤未成眠大  
姑已用新絲錢岸上何人紫花馬卻欲拋金桑樹下

水簾洞

石泉飛雨散淋漓翠箔銀濤萬縷齊雲屋潤含珠網密

金華詩錄

卷二十四

二

月鈞涼沁玉繩低鮫人夜織啼痕濕湘女晨粧望眼迷

恍似水晶宮殿裏四檐花雨亂鶯啼

仲珩五古排募頓挫自杜韓門庭中來七古有六朝

樂府遺韻水簾洞一律亦豔不傷雅自是初明一作手惜不多得學士答章秀才書云靡非能詩者自漢魏以至於今諸家之什不可謂不攻習也薦紳先生之前不可謂不磨切也考之於古證之於今詩之學深矣舍人蓋得於趨庭者也謹錄學士書大畧以見舍人詩之所由來以爲金華後學之楷式庶不爲俗學所蒙也書云以漢言之蘇李非作者之首乎紆曲悽婉實宗國風與楚人之辭建安黃初曹子建父子起而振之劉幹王仲宣從而輔翼之正始之間嵇阮登作詩道於是乎大盛然皆師少卿而馳騁於風雅者也厥後正音衰微至太康復中興陸士衡兄弟則仿之建潘安仁張茂先張景陽則學仲宣至太冲張季鷹則法公幹獨陶元亮天分之高其先雖出於太冲景陽究其所自得直超建安而上之元嘉以還三謝亦本子建而雜參於郭景純延之則祖士衡明遠則效景陽而氣骨淵然鬚鬢有西漢風餘或傷於刻鏤而乏維渾之氣永明而下抑又甚焉沈休文均於營壘王元長局於福旭江文通過於摹擬陰子堅涉於淺易何仲言流於瑣碎至於徐庚一以婉麗爲宗詩之變極矣唐初承陳隋之弊張子壽蘇廷碩張道濟相繼而興各以風雅爲師而盧昇之王子安從凌跨三謝劉希夷王昌齡沈雲卿宋少連亦欲躐駕江薛固無不可者奈溺於久習終不能改其舊甚至以律法相高益有四聲八病之嫌矣惟陳伯玉專師漢魏復古之功於是爲大開元天寶中杜

子美繼出真所謂集大成者並時而作李太白宗風發及建安七子其格極高其變化若神龍之不可羈王摩詰依倣淵明韋應物祖襲靈運他如岑參高達夫劉長卿孟浩然元次山之屬咸以興寄相高取法建安至於大歷錢郎遠師沈宋苗崔盧耿吉李諸家亦皆本伯玉而宗黃初詩道於是爲最盛韓柳起於元和之間韓初效建安晚自成家柳對陶謝之間而措辭窈渺清妍元白近於輕俗三張過於浮靡要皆同師於古樂府賈浪仙獨變入僻以矯艷於元白劉夢得步驟少全則又自出新意而涉於沉澗靈運而句意尙奇孟東野陰祖沈沈謝而流於蹇澁虛有所師而詩之變又極矣宋初龔晚唐五季之弊天聖以來晏同叔錢希聖劉子儀楊大年數人亦思有以革之然皆師於義山追王元之以樂天爲法歐陽永叔以退之爲宗蘇子美梅聖俞介乎其間梅學東野蘇宗子美亦頗號中興至若王禹玉之踵綴之感公量之祖應物石延年之效牧之王介甫之原三謝雖不絕似皆得其彷彿者元祐之間蘓黃挺出共師李杜而競以已意相高自此以後詩人迭起大抵不出二家觀蘇門四學士及江西宗派可見矣陳去非雖晚出乃能因崔德符而歸宿於少陵馴至隆興乾道之時尤延之之清婉楊廷秀之深刻范石能之宏麗陸務觀之數映皆有可觀然終不離天聖元祐之故步下至蕭趙氣局荒頽音節促迫則其變又極矣由此觀之詩之格力崇卑固若隨世變遷然謂其皆不相師可乎第所謂相師者上焉師其意辭固不似而氣象無不同下焉師其辭辭則似矣求其精神之所寓固未嘗近也然惟深於此興者乃能察知之耳雖然詩乃吟咏性情之具特因事感觸而成古之人其初雖有所沿襲未復自成一

明

金華詩錄 卷二十四

四

家言又豈規規然必於相師者哉嗚呼此未易爲初學道也近來學者頗多自高操觚未能成章輒瀾視前古爲無物且揚沙曰曹劉李杜蘇黃雖佳不必師吾卽師師吾心耳故其所作往往猖狂無倫以揚沙走石爲豪而不復知有純和沖粹之意可勝歎哉

王紳

紳字仲擢義烏人待制稔子幼孤鞠於其兄綬從宋濂學教爲文章卽能馳驟變化事母盡孝及卒哀毀踰禮未幾綬亦卒煢煢單居而名譽益著蜀王聞之聘至藩府待以賓禮紳乃請於王乞往雲南求父遺骸不獲於死所書木主歸作滇南慟哭記以明志有薦於朝者召爲國子博士紳工詩胡應麟稱其詩與宋遂爲葵中二

雋有繼志齋文集

方正學釋思辭序云王公子充使雲南十年未復其家子緩作思親之堂以寓思慕

而少子紳復爲賦以白闕其志切其辭悲讀之可以流涕也夫父子之恩天性也豈有絕極哉孰不樂乎字承承事於安秦之時而有不獲者命也命非自我出君子盡其所能爲而已矣余悼二子之志推其意以釋之 又祭王學士文今皇繼統凡英偉奇傑之士無不招致於庶位於是先生之子方以才受薦擢官太學而先生平生大節因得陳於殿陛達於旋屨之前於以有學士之贈於以有文節之諡褒崇閔悼極其顯華

題薛孟式滄灣漁舍三首

榮名非夙願幽貞素所服冲懷絕外紛結廬滄江曲涼  
薰生密蔭時雨漲新綠水暖鰕魚肥瓮頭酒初熟擊鮮  
旋筍醇雅趣聊自足

種梧待鸞鳳鸞鳳不來宿梧生日夜長歲華如飛鏃涼

明

金華詩錄

卷二十四

五

風一夕厲露葉消初綠豈乏爨下音摧殘比衆木我願  
裁爲琴寄君清商曲

叢桂在庭前與子昔同植風霜昨夜緊晨起視顏色庭  
樹已彫落桂枝一何直亮節在中堅貞性非外飾對之  
思所親俯案不能食

題墨竹

瀟湘江上莫雲迷落日無人翠羽低  
欂櫨黃陵廟前柏

一篷春雨鷓鴣啼

鄭灝

灝字仲養浦江人義門裔孫

明詩錄詩話浦陽義門有三其一黃氏自度至逢吉

其一王氏自芟至子賢皆止數世惟麟溪鄭氏族大且久先世自蔡陽徙歛再徙睦州其居麟溪自淮始淮之孫綺乾道中賜號冲素處士朝請郎新淦晏穆志其墓是爲義門第一世綺之子聞聞子運運子政政子德璋德璋子文融文融嗣子欽仲善益欽之叔子也凡歷五十三世一千六百六十餘年逮元李明初門才益盛曰深曰濂曰源曰濤曰泳曰渙曰淵曰澗曰濟曰洧曰溟曰沂出處不齊先後以才行著一門羣從又有樵樵枋材榦彬楷模桐柗棠機栢杖木皆爲士林所重於是公卿大夫先後詩文貽贈者編爲麟溪集二十二卷洵盛事矣嗟乎江湖日下擾鋤德色箕帚踞罵其不爲秦人之續者幾希錢義門子姓詩爲之三歎按義門鄭綺郡志入元人然綺以父昭罪繫獄曰寃郡守錢端禮爲之起雪端禮係吳越王俶六世孫紹興十八年來知婺州軍事則綺爲宋人無疑也乾道賜號之事宋景濂浦陽人物記不載豈在紹興間爲父白寃而乾道賜號耶又東陽張志行在紹興間賜號冲素處士有詔載邑志紹興乾道爲時無幾豈金華當茲有兩冲素耶

### 海棠仕女圖

東風蕩漾百花潭翠袖迎風酒半酣好鳥隔窗催曉色  
美人殘夢到江南

明

### 金華詩錄

卷二十四

六

### 鄭淵

淵字仲涵瀾族昆弟祖文轟遇物寬宏稱善士  
父鉅性至孝母喪哀慟不間晝夜幾傷生淵承  
祖父之緒篤於倫紀母疾逾年服事不勸醫生  
惡疽不能坐跪鍊藥以進膝爲生胝母病草思  
西瓜既食而卒淵見瓜輒泣終身不食人有急  
求無不應從宋濂學又及登黃潛柳貫吳萊之  
門以著書明道爲務不樂仕宦卒後宋濂表其

墓曰貞孝處士有遂初齋稿十卷續文類七十

卷

仲涵子楷字叔度垂髫侍貞孝受業宋太史善屬文工於筆札馳譽播紳間永樂初蜀王朝京師奏除王府教授王見之大喜有公

來雪山重之稱初太史以累西行沒於夔州旅葬於夔家累謫居茂州叔度啓王給道里費令太史孫恪遷葬成都卽命恪館墓旁給田供祭叔度爲文誌墓已而王尊叔度爲賓師賜號醇翁陞長史致仕歸王書歸來肝以謁所著詩文王賜名鳳鳴集方正學有爲叔度題王叔明墨竹詩云麟溪鄭君好奇士愛畫猶能賞其趣嗚呼世間作者非不多鄭君甚少可奈何蓋一博雅之儒也惜集失傳附見于此

### 古意二首

西方有美人絕世好容儀獨坐曲房中素手彈朱絃新聲隨指發音響一何悲似言加餐飯似言長相思何如雙鴛央朝夕接翅飛

兔絲絲如染挂在青松巔自負百尺高可以凌雲煙不知柔弱質附高致其然斧斤一朝至何地相依絲莫笑黃瓜蔓棄擲官道邊

明

金華詩錄

卷二十四

七

### 采蓮曲

桐陰轉階月如水滿池瑤華拾不起誰家玉簫吹畫樓不管洛陽秋色愁吳姬蹋歌楚女舞羅帶同心結飛組采蓮不采的中惹見人但道蓮心苦鯉魚吹風紅葉秋獨携明月上蘭舟巴陵去去三千里情與白波天外流

### 鄭洵

洵字仲宗淵弟從宋濂學籠雞牀側雞鳴卽就

學通貫經訓文詞古雅洪武中以畫圖監生坐

罪事連糧長兄濂名在籍將行洵毅然曰兄以

八十老人聽其遠行死於法是家無人矣遂請



代至京竟死捐紳哀之私謚貞義處士有師古

齋稿

仲宗妻張氏名瑞字柔貞嘗避兵諸暨樓子鳴榔火將及寓舍長涕周氏臥病不能起氏侍側或勸之行曰吾忍舍姊而自求

生乎號泣籲天已而大雨火滅人以為義感長子權字叔悅洪武十八年義門為人誣指寄鈔以無主名或難其行樂請往已而得釋又洪武十四年鄭濂為家長有誣指寄鈔事鄭澁詣史濂曰我家長當罪兄弟爭就獄事聞得釋除福建布政參議事俱詳鄭柏賢逢傳澁字仲持之官去貪吏革弊政有滯獄不決者立剖之稱神明又鄭深字仲幾游學京師太師脫脫延教其子舉為太傅府長史歷江東建康道宋太史稱為奇偉之上鄭渙字仲釋元季寇興院判謝國靈辟署清江縣簿以才能稱鄭洪字仲繼應變如轉丸岐陽王駐兵嚴陵令參軍事歷官內藏庫提點以累死妻石氏當配絕粒十日自縊死鄭沂字仲與游京師以才受知為行宣政院照磨歷松江等處稻田提舉所大使管官歸入明應召拜禮部尚書鄭泳字仲潛受業宋太史官温州路總管府經歷有半軒集鄭濟字仲辨亦從宋太史學為詩文多出新意所著隨筆去不畱稿書法得晉唐諸體洪武初以義門能循禮法遣使至其家召年三十者悉赴京凡二十四人才德孰儼眾以濟對授左春坊左庶子曰侍左右鄭源字仲本隱九龍山太祖下婺州徵餉郡守王宗顯以私憾視他姓十倍從弟漢械繫督責源聞號哭於庭願以身代守為殺其徵

金華詩錄

卷二十四

八

明

又從弟澹以家陪納金銀督責舉於烈日源又往請代不允解衣立赤日中人多義之子林詩文雅馴宋太史妻以女此皆仲宗族昆弟義門之稱于時者無詩可錄附見于此

雙溪小隱歌

曹君昔隱金盆山藥鑪夜煮黃金丹舉身欲約赤松子  
握手長嘯青雲間曹君今住沙溪曲傍水依崖結茆屋  
黃塵截斷不敢飛適意時來雙屬玉屋南屋北多鮮奇  
異葩靈卉承華滋高松百尺不僵亦不死狀似飲川蟠  
谷之虬螭角鬣分明儼如畫老榦不受西風欺一瓢獨  
挂志來歸竟與人世相睽違有時攜尊踞白石苔花濕  
盡雲霞衣有時掬水邀明月碧波夜浸青玻瓈生平不

願輕裘肥馬誇富兒亦不願腰懸組綬光陸離白鹿耕  
雲不須驅曉來種滿山前芝飢餐六氣飽於飯渴飲零  
露甘如飴從茲覽徧中黃辭真一有象丹成基骨瘦昂  
藏聳元鶴芳顏瑩白逾華脂但得陸跨白鹿水赤鯉摩  
挲銅狄河之涓嗚呼摩挲銅狄河之涓走窮山海尋安

期

李崇

崇字俊德東陽人洪武四年鄉舉六年授鳳翔

府通判歷平原同知函表如京師卒於旅舍

按

史本紀洪武三年五月詔守令舉學識篤行之士設科取士四年正月詔設科取士連舉三年嗣後三年一舉六年二月諭暫罷科舉察舉賢

金華詩錄

卷二十四

九

明

才十五年八月復設科取士十七年三月頒科舉取士式選舉志洪武三年詔自今年八月始特設科舉明年會試以天下初定令各行省連試三年且以官多缺員舉人俱免會試赴京聽選又擢年少俊異者入禁中給光祿酒饌皇太子諸王送爲之主旣而謂所取多少俊異以所舉措諸行者寡乃但令有司察舉賢才罷科舉不用至十五年復設十七年始定科舉之式命禮部頒行各省以爲永制紀載甚明連舉三年之詔下於四年以其年非試年故下詔連舉而三年云者兼上一年言也六年罷科舉之詔下於二月則其年不復開科可知正當連舉三年已畢而罷之也金華府志云庚戌辛亥壬子癸丑連歲開科是連舉四年年矣諛以下詔之年爲始也遂有癸丑舉人黃廻又云洪武九年改行省爲布政使司頒行科舉成式舉人不拘額數從實充員是復科舉在九年矣不應又云至甲子詔復行也東陽新志云四年會元復科舉在元吳伯宗鄉會殿試併在一年恐無此事又疑三年連舉之詔下於四年行於五年矣近北宋舉士集會試紀錄序云復勅有司自壬子至甲寅三歲連貢是三年連舉確以五年爲始矣而六年罷舉之詔卽下豈三年之說中止耶學士明初人不應與史抵牾或校刊者如新志之疑追改之未可知也今桂坡李氏家傳李崇四年鄉舉六年授官與史志舉人免會試赴京聽選合又有李希明五年鄉舉侍成祖於潛邸與史志擢年少俊異者入禁中合二人四年五年連舉與史志選舉三年連舉之令又合要爲可据東陽志不載李崇於李希明疑是制舉非鄉舉

皆拘牽疑感之故今依桂坡家傳  
錄之而核其事於此以備考訂

雪藕篇

高荷出清泚濯濯揚薰風植根更芬潔晶玉同瓊瓏何  
年掘玉井移自太華峯冰霜立肌骨星宿羅心胷淤泥  
不能染灑氣潛相通君子抱清德內焉蘊其聰卑踪頗  
歛藏處濁能從容長歌雪藕篇憐爾風味同

題樓氏怡雲樓卷

危樓高駕白雲端上客閒登跨彩鸞素練橫秋飛畫棟  
玉綃出岫擁紅闌陰連碧海珊瑚潤氣合瓊樓翡翠寒  
如在水晶宮畔立浩然詩思涌波瀾

金華詩錄

卷二十四

十

李希明

希明字潛文崇族唐子學於父多所究通洪武

五年鄉舉入太學舍選第一授伴讀侍成祖於

潛邸多被禮遇歷江西左參政擢刑部侍郎卒

於官

桂坡李氏家傳陳友諒餘黨未靖將出師剿之時希明官江西  
左參政奏乞招撫不服然後用兵從之榜示流民爭先來歸卒

以安  
業

題樓氏怡雲樓卷

山蒼蒼兮林木稠石齒齒兮泉水流駕雲兮爲樓擁雲  
絮兮爲綈攬雲衣兮爲裘乘雲車兮御蒼虬餐氤氲兮  
接斗牛其樂融融兮與雲夷猶從容閒雅兮委心任去

畱仰天長嘯兮神思悠悠

### 李純道

純道字思文崇族洪武中應薦授本邑教諭有

易簡齋稿三桂齋稿

明洪武朝搜求遺逸之士至再至三按史十三年府州縣所舉士至者八百六十餘人十五年徵至經明行修之士三千七百餘人并命各舉所知復遣使徵之有驟躋顯要者思文當日亦膺徵舉而仕者也

### 山行晚歸

投閒屢蠟展山谷躡雲行為愛泉石幽似與猿鶴爭策

杖憇林莽班荆語樵耕側耳清瀑響舉頭明月生險徑

侶歸牧危峯夕煙橫

題西巖紫霞洞

命仲材所居詳二十三卷李唐詩注

明

金華詩錄

卷二十四

十一

隱君獨愛西巖奇丹崖石室交蔽虧青松蔭地土花長

碧蘿挂月秋陰垂每從雨後拾瑤草時向雲間歌紫芝

遙想高風在林壑何當躡屐相追隨

### 王徐

徐字叔豐義烏人博士紳子侍父入蜀及紳官

博士隨京師父沒從方孝孺學文行重於時以

病贖自號贖樵有青巖類稿

方正學被刑狼藉人莫敢收贖樵與鄒尚齋至聚寶

門外求其骸骨以歸禍幾不測事見都邑志葺梓傳略云坐逮繫獄文

皇憐其祖之忠宥之歸隱青巖山下手輯方氏遺文成集後百年始傳

志云永樂中以儒士舉預修邑志及采上二朝實錄事贖以病將不仕按明史方孝孺傳其門人德慶孫承忠之孫輔與其弟銘檢遺骸瘞聚寶門外山上求樂中巖孝孺文者罪至死門人王徐嘗錄為侯城集故復得行於世是瘞骨者廖編兄弟歲稿者徐也

題畫雁二首

關塞風高木葉黃  
雙雙秋影度瀟湘  
衝雲健翮投何處  
兩足江南晚稻香

聲斷衡陽月正明  
相呼雲侶轉淒清  
帛書莫訝年來少  
北海今無蘇子卿

樓璉

璉字士連義烏人從學士宋濂學洪武中以儒  
士授宣寧主簿歷藍田知縣擢廣東道監察御  
史以事謫戍雲南洱海建文初膺薦入翰林歷  
侍讀靖難師入京命方孝孺草詔不屈死改命

明

金華詩錄

卷二十四

十三

璉不敢辭歸語妻子曰我固甘死正恐累汝輩

耳其夕自經有集

草詔事見明史方孝孺傳史又云草詔或曰括蒼王景或曰無錫王達云

題深上人松月軒

夜月明松頂軒虛不掩扉  
石泉流徑翠瓦弄晴暉  
林靜爰初宿巢空鶴未歸  
此中凝坐者寒沁薜蘿衣

送鏡中照上人兼柬斗南和尚

舊住扶桑第幾山  
偶然踪跡落人間  
蘿衣拂露辭秋壑  
藤杖扶霜度曉關  
滇海飛來孤月小  
點蒼畱得片雲閒  
殷勤爲報圓通客  
鶴背清風好共還

鄭槩

梔字叔高浦江人義門元宣政院使渭子

擬古二首

秦箏一何哀中有淒涼音纍纍孤臣操咽咽嫠婦吟晨  
霜爲之寒浮雲爲之陰聽罷復三歎不覺淚沾襟披衣  
步亭臯嘉樹鳴曙禽嗒然吾喪我情與海水深

孤齋悄無人絳燭夜吐芒羽蟲忽飛來投火欲自戕知  
爲明所誤曷不務韜光子房願封畱淮陰喻弓藏法戒  
旣昭然昧者何茫茫高山有白石行當煮爲糧

綠綺吟

石崖翦得梧樹尾按律憑音裁綠綺瑤徽點點疎星寒

明

金華詩錄

卷二十四

三

冷光六尺凝秋水素絲七縷張高秋萬派寒泉落指流  
一聲聲響散邱壑援哀鶴怨蛟龍愁空谷咽雲風瑟瑟  
池塘露冷芙蓉泣翠屏相對夜冥冥十二珠簾籠月色  
最憐昨夜曲終時庭前綠樹烏亂啼

鄭杕

杕字叔鞞義門源子學士宋濂女夫有學古齋

集

促織吟

清露溥溥寒夜悄碧紗無人山月小草蟲切切胡太哀  
聽到曉鐘猶未了孤帳美人眠正淒入耳聲聲心似擣

錦衾宵擁淚闌干，暗洗芳容夢中老。促織促織聽我道，  
十載遊人歸不蚤。我願爾蟲生有靈，化作枝頭子規鳥。  
亦知離別遠，喪亂近何如。流水天涯路，征鴻塞外書。懸  
絲飛雪晚，點點落梅初。日月重回首，那堪已歲除。

海棠

映肉紅紗曉睡遲，一絲春色力難支。開元舊事無人記，  
猶有東風作畫師。

鄭枋

枋字叔重，義門濤子。父任燕，以亂存亡不可知。

明

金華詩錄

卷二十四

十四

枋往省至金陵，相見值父病，見子喜而瘥。時論

稱述以爲孝感所致云。

張孟兼有詩評見二十二卷

江南曲

妾家住在錢塘曲，門前歲歲湖波綠。綠波涵春曉，汪汪  
素影平鋪練。一幅垂楊十里鎖，輕陰芙蓉千柄送清馥。  
翠雲帖水風颼颼，白蘋紅蓼蚤催秋。大姑小姑惜芳遊，  
朝朝放櫂湖中流。荷蓋斜張低覆舟，見花顰眉愁復愁。  
移船西來泊花底，藕花染紅蘋葉紫。拾蘋猶恨蘋無根，  
採蓮卻喜蓮多子。妾身不爲浮蘋生，寧作蓮花守紅死。

鄭桐

桐字叔成義門渙子洪武中以薦授滁州判官  
春思

梨雲澹澹霧濛濛人在青樓第幾重鸞鏡未開簾未卷  
羅衣先怯五更風

李思志

思志字希尹東陽人

題許腴德箕山小隱卷

飛鳥振六翮矰繳庸安施游魚潛深淵鈎餌徒爾爲先  
民有許由性與時俗違一瓢尚云棄好爵安足縻清風  
在林壑萬代誰揖之仰止箕山雲悠悠無定姿挹彼頽

明

金華詩錄

卷二十四

五

川水森森生漣漪後人景先哲舍此將安歸

李能安

能安字叔遷東陽人

題任公堂南園小隱卷

陋巷不足憂簞瓢復何營學圃聊自足日涉趣已成嘉  
蔬及時蒔草木同向榮俯仰看魚鳥觸目生機盈烹葵  
秋風起翦韭春雨晴客來共怡悅酒至還同傾

李有思

有思字原恭東陽人自號樂隱蕭然恬退有處

士風



自題前山小隱圖

誰家樓館住山椒  
開戶晴雲手可招  
還有碧桃花下客  
數聲吹澈洞天簫

明 金華詩錄卷二十四

金華詩錄

卷二十四

六

金華詩錄卷二十五

明六

李暉

暉字宗表其先汴人元末徙家錢塘少從永嘉胡僖遊奇其才以女妻之學成結草閣北關門外以教授生徒人稱草閣先生後避兵金華翔翔末康東陽一邑間明初被薦官國子助教未幾以病免歸卜築末康魁山下遂為末康人門

人唐仲暹編其詩文為草閣集

按明詩綜錄草閣詩以為錢塘人蓋草閣原因

錢塘北關門外之居名也然壽山方巖石室大通寺屢屢見諸吟詠謎日醉吟云近來結屋翠峯下贈地理遠碧山云我家近住東屏山則其

明

金華詩錄 卷二十五

移居末康可徵詩粹傳略及今郡志皆云小從末康鄭僖遊奇其才以女妻之若其遷末康依婦翁者然考之縣志則云從末嘉胡僖遊妻以女者亦胡僖事在徙家錢塘之初其卜築末康魁山則在宦歸之後因避亂金華翔翔末康東陽一邑間愛其山水故也縣志傳草閣云照應志應志者嘉靖間應僉憲廷育作先民傳後邑令吳公安國即取之必作志人因名之曰應志嘉靖去洪武未甚遠應以末康人言末康事必核故從之草閣詩天台徐大章謂緣情指事機動鸞鳴無窮搜苦索之態而語皆天然不煩雕琢義烏朱伯清謂精熟清新氣雄而調暢一出李杜二公機軸金華蘇平仲謂多合乎三百篇格律與李杜不遠竹垞明詩綜錄草閣詩二十三首謂草閣得詩法於李李和然李和猶為廉夫薰繁草閣歌行則一氣孤行獨開生面正如淮陰之師多多益善囊沙拔幟時易萬人當時四傑十友二蕭二元各有標榜如此逸氣高格顧詩家月旦不及焉信夫知音者之難也可謂推許之至矣今細讀之氣逸格高誠有如小長蘆叟所云詩粹僅收七律一首非其至者一時未得全集謹從明詩綜選定者甄錄之備金華明初一作家云

發雙溪

我我金華城行李何淹留閏十月初吉始能具扁舟輝

輝晴旭升莽莽寒煙收篙師戒晨發浩嘯當中流揮手  
謝送者此行實夷猶昔爲山林居今作江海遊撫心媿  
麋鹿放跡同鳧鷖丈夫旣許國生理焉得謀功成纔拂  
衣庶以追前修

泊鷺鷺灣

朝辭婺女城暮泊鷺鷺灣鷺鷺不見但聞水潺潺水

聲日西流客子何時還長風吹征衣慘淡生愁顏

蘭谿一名澗水

其源有二一自衢州東北流至縣謂之衢港一自婺州西流至

縣謂之發港發港中有鷺鷺灘去縣東二十五里上承雙溪

息灘

息灘復息灘逆上如登天舟行勢齟齬百丈不可牽人

明

金華詩錄

卷十五

二

持白木篙左右拄兩肩倒緣凌風檣俯貼衝波船分寸  
累丈尺始能就其顛回顧望來者相去一丈懸我生匪  
利涉坦易性所便因之戒行險庶茲遠遊篇

遣瘧鬼

汝本顛頊子變化逃其形胡不肖厥祖騎龍升帝青而  
爲瘧鬼徒屑屑居滄溟復游人間世所在行威靈坐令  
命蹇子狼狽汝所丁其寒誰致然其熱孰使令淒淒挾  
絮纒喘喘思風亭肉黃面亦皺呻吟不可聽巫師用桃  
茆醫師進豬苓汝黨固蟠結百菽無一寧嗟汝聖王裔  
區區獨伶俚遷居迺令德肆虐非常經我今賦新詩送

爾揚歸艫東方有蒼龍鼓腹生雷霆西方有白虎利口  
惟臙腥赤鳥司南方丹砂耀修翎元武在北方閃目光  
熒熒四方汝無往恐汝罹天刑汝宜返故鄉寒泉肅洽  
冷綠荷以爲衣丹霞以爲扇珠簾水晶幌貝闕琉璃屏  
飄飄曳鸞旗洋洋下雲輶速行如風火晝夜不可停從  
此勿回首一去三千齡

逃難

四郊日多壘勞生信乾坤朝來有警急鐵騎如雲屯賤  
子心實憂焉能守荒邨呼兒戒行李一飯同出門路逢  
逃難人紛紛亦來奔或扶耶與孀或抱子與孫十步九

明

金華詩錄

卷二十五

三

顛躓欲哭聲復吞聞道往方巖前後相厖喧牛羊亦隨  
逐飛橋爲之翻我行已巖頂我僕猶巖根辱乾吻亦燥  
何處濁酒尊茲巖旣云險况有靈祠存棲遲且茆屋生  
理安得論俯視西北隅殺氣猶昏昏

寄太平諸友

昨日東風吹雨過正值山齋罷書課無官可守真自得  
有酒不飲誰能那此時况當春夏交綠淨園林安敢唾  
出泥已誇泥筍嫩入饌頗憶溪魚大花間紫駟來幾匹  
葉底黃鸝鳴兩箇桃巖諸公多俊才遠來相就同廢和  
野人擬作韋曲游諸公忍復東山臥誰謂更深雨復作

到曉打窗驚夢破，寧愁烏帽顛。風吹尚恐蠟屐春泥澆。  
拈毫惆悵題我詩，天晴更爲斯文賀。

贈地理遠碧山

澗東瀝西曾卜洛定之方，中楚宮作當時相宅論陰陽。  
猶未經營到冥漠，後來注意馬鬣封某邱某水尋靈蹤。  
封侯作相在頃刻，芒屨踢遍青芙蓉。遠師本有降龍技，  
隨處看山逐龍勢。金華一郡凡幾家，屢見牛眠得佳地。  
我家近住東屏山，時與遠師相往還。青囊和月挂松樹，  
且酌美酒開心顏。我聞金陵帝王宅，虎踞龍蟠出奇特。  
遠師飛錫宦一遊，歸來說與漁樵流。

明

金華詩錄 卷二十五

四

踏車行

南岸北岸聲咿啞，東鄰西鄰踏水車。車輪風生雷轉軸，  
平地雪寒生浪花。借問老農何太苦，低頭欲語還咨嗟。  
前月有雨田未耘，非其種者紛如麻。縣吏捉人應差役，  
令嚴豈得營私家。况當今日滴雨無陂塘之水，爭諠譁  
雖如抱甕沃焦釜，蹄泔豈足供泥沙。語罷踏車車轉急，  
田水何如汗流溼。老妻貸穀猶未歸，力疾無奈吞聲泣。

喜雨行

五日不雨中禾焦，十日不雨晚禾死。農夫田父心煩勞，  
桔槔搨搨徒爲爾。俄然雲起從西北，一片飛來頭上黑。

六丁雷斧開天闕不盡天瓢瀉甘澤沛如萬頃之銀潢  
疾如江漢流湯湯怒如乖龍騰變化颯如白帝行秋光  
在坑滿坑谷滿谷此雨何殊雨珠玉甌窶汗邪無復分  
但見芄芄稻花熟東家老翁賒酒勸西家女兒賣釵釧  
青黃未接渾未憂屈指豐年眼中見我歌不獨如元豐  
我歌直與康衢同此身願作飯牛翁耕田鑿井堯無功  
嗚呼耕田鑿井堯無功

誕日醉吟

先生今年五十一兩鬢雖斑眼如漆挑燈終夜何曾眠  
細字蠅頭看書帙旣不能握蘭起草趨明光又不能塞

明

金華詩錄

卷二十五

五

旗斬將赴敵場布衣十載困江海空有崢嶸磊落驚世  
之文章近來結屋翠峯下屋遠白雲看似畫王侯卿相  
不到門自與農夫作鄰舍螿浮缸面新酒渾清晨上壽

誰稱尊阿兒拜前女拜後此樂欣欣難具論盤餐照眼  
復何有出甕黃壚間青韭山田放豚初告膾潑刺鮮魚  
貫霜桺須臾剝啄啄叩門聲攜肴載酒來諸生陶然  
洗醖復更酌百川一吸如長鯨我醉欲眠卿且去謫僊  
未得其中趣玉山雖倒噴人扶染筆從容賦長句我不  
願二十四考書中書我不願千二百歲崆峒居但願百  
年三萬六千日日日醉吟懽有餘

北上行送周士約

停君鐵如意飲我金叵羅我有北上行起舞爲君歌念  
此北上樂君行莫蹉跎披雲登太行敲冰渡黃河黃河  
連天與天碧織女大笑投銀梭紅雲暖光開玉闕流星  
煌煌夾明月簫韶之音下紫清太液恩波流不竭去年  
前席召賈生今年上書薦禰衡鵬搏虎變不可測布衣  
談笑爲公卿爲公卿吾道昌丈夫壯遊須帝鄉紅顏才  
子青雲郎文光照曜宮錦裳紫駟馬肥金鞍光蓮花匣  
出三尺霜黃金臺高天中央紫琳作佩聲鏘鏘聖主恩  
深誇陶唐好賢不數燕昭王北上行君莫忘

明

金華詩錄 卷二十五

六

九鷺圖

何人水墨開毫素白日晴窗起煙霧強將醉眼窺微茫  
乃見江南九秋鷺兩隻長鳴一隻飛兩隻共啄菰米肥  
其餘四隻夢洲渚黃蘆白葦相因依我家曾住苔川上  
綠蓑披雨聽漁唱西塞山邊今有無桃花流水應新漲  
別來幾載棲林巒身欲奮飛無羽翰卷圖高詠風漠漠  
憶爾磯頭青釣竿

胡將軍歌

胡將軍邦之良武之豪身長八尺面如鐵敵入見之凜  
凜生寒毛憶昨辛卯歲九州沸鯨濤蒼生日塗炭呼天

雨泣何嗷嗷吳王氣宇真天人手提秋水三尺之豪曹  
貔貅萬竈會滁上左右環列俱賢髦將軍謁轅門開口  
談六韜爲王之爪牙出入行陣躬鞬囊疾如風雨飛千  
艘王命胡將軍螯弧螯弧爾所操義聲西來動白日電  
光閃爍搖旌旄金陵宣城不日得徽州嚴郡隨風逃洞  
兵三萬餘刃鞘弓藏發靈旗卻指金華城父老爭先持  
酒羔喉襟聞楚信州地將軍又爲殫力營城壕乃從元  
戎上台鼎橫金拖紫獨立青雲高將軍未下車民庶憂  
忉忉將軍旣下車所犯無秋毫健兒不敢忤民意酷吏  
不敢竭民膏男兒務農耕婦女勤蠶繅將軍爲之垣墉

明

金華詩錄

卷二十五

七

使生厚民適自樂將軍勞兜鍪貂蟬本無異擬變方名  
爲夔臯嗚呼壬寅春二月肘腋禍所遭三軍盡躑躅萬  
姓皆號咷朝廷聞之爲痛惜遣中使降丹詔遂有光祿  
大夫越國之崇褒有廟有廟依巖窈春秋二時祠太牢  
吹笙鼓瑟兼伐磬玉杯春酒灑蒲萄畫梁文楨倍輝赫  
焚香彷彿來焄蒿英姿颯爽毛髮豎陰風吹動團花袍  
殿前近侍捫錦條壁上先驅腰寶刀出師或銜枚班師  
或鳴鐃將軍雖死有餘樂魂魄上與星辰邀有子有子  
如將軍志欲與國除腥臊敵侵我疆勇捷如飛猱奮  
身與之戰以一當百戰已鏖將軍陰兵實助之似聞人



馬聲嘈嘈敵驚靈火徧原野如中羽鏃相呼號我來祠  
下謁遺像秋林葉落風蕭騷雄文大字紀顛末翠珉已

載黃金鼉嗚呼胡將軍生爲名臣死廟食勸忠之作吾

其切

明史列傳胡大海字通甫虹人長身鐵面智力過人太祖初起走謁滁陽從渡江與諸將略地歷進江南行省參知政事鎮金華初嚴州既下苗將

蔣英劉震李福皆自桐廬來歸大海喜其驍勇置置麾下至是三人謀作亂晨入

分省署請大海觀弩於八詠樓大海出英遣其黨龍馬前詐訴英過大海未及答

反顧英英出袖中槌擊大海中腦仆地併其子關住郎中王愷皆遇害其後李文

英攻杭州杭人執英以降太祖命誅英刺血祭大海追封越國公諡武壯宋景

濂祠堂記公沒之明年公之部曲與境內之民悵然還思乃相率城中作新廟一

區部曲進曰公號令素嚴人無違禁嘗非無功罰非無罪我之病也孰知而賜之

我之凍且餒也孰察而問之其能親自裹創注藥及安于食且衣者非公之賜與

境內之民進曰吾發之民凋瘵殊甚公專心撫療普也奔走西東歲無寧居今也

長幼一堂愉愉雍雍昔也商賈不道布穀不登今也市廛充溢百貨俱集昔也阨

於暴強莫敢伺問今也攘一壘弗公亦使僧之如承平時非公之賜與公嘗自謂

曰我不知書吾行軍惟有三事而已不殺人不得掠人婦女不焚人廬舍故其軍一

出遠近趨附公處心以仁蒞事以威故不言而民化不待戒而兵自不敢犯按

金華詩錄

卷二十五

八

詩諒將軍事與史傳詞記皆合惟後一段言將軍之子都敵侵疆以一當百陰兵助之云云微有異同史言養子德濟從攻婺州大破元兵於梅花門外既下信州陳友諒將李明道來寇德濟與力戰大海來援夾擊之擒明道皆大海未死時事其後破走張士信在處州士誠將李伯昇入寇破之在新城非金華也記言公未薨嘗夜出人見其兩目爛爛有光若燿及其旣薨敵人數入我邊陲公降祥異或見夢於人或覩靈火滿野洵聞人馬聲洎出師輒大捷似實有陰兵來助者然不言助其子也

題煙波疊嶂圖

憶昨扁舟上南斗順風看山如馬走前山在眼後山失  
紫翠續紛紛落吾手當年見山如畫圖畫圖得似當年無  
臨軒把玩笑絕倒蚤覺詩思生江湖江風蕭蕭煙水暮  
盡是漁翁釣魚處安得身輕如白鷗江上飛來又飛去

曩鈔明人詩愛此不汎寫山水都從煙波疊嶂四字生情至今讀之覺前山在眼後山失一語江風蕭蕭煙水暮一語真有畫筆所不能到處

題濟源聽泉樓

冷泉亭子深且幽我昔杖屨曾追遊山中正當朝雨霽  
坐聽泉水涓涓流初如松風灑萬壑忽如仙佩鏘鳴璆  
又如蛟龍起潭窟霹靂閃電摧林邱黃髮抱子挂秋影  
良久不下聲啾啾是時同行四五人相對毛髮寒颼颼  
乃知福地難久住卻載酒壺登綵舟故鄉一別幾十載  
江湖浪迹如沙鷗風塵瀕洞箭滿眼欲歸洗耳嗟何由  
飛來山色入我夢碧松丹桂枝相樛每逢泉石必宿留  
題詩感慨無時休胡君亦是聽泉者胸次磊落非常儔

何當暇日登君樓與君作記樓上頭

永康志芳巖去縣五十里  
高二百丈有寺曰廣慈寺

明

金華詩錄

卷二十五

九

後巖高數仞東邊有坑溪入如井由坑上西行百步許下有石谷泉出谷間如環  
珮聲舊有樓曰聽泉里人胡濟源作大夫士賦詩成集曰聽泉樓集不傳惟呂雙  
泉澄序見雙泉集 鄭東白游芳巖記千人坑劍有小徑緣巖登寺後山行二百  
步石石谷谷旁有樓曰聽泉乃胡濟源隱處左右有泉由巖間樓之西巖下有小  
石穴曰讀書巖即  
胡侍郎弦誦處

題鍾馗移家圖

綠袍進士掀怒頰飢來嚼鬼如蜜甜酸風苦雨攪白日  
移家欲往山陰尖隨兄小妹臉抹漆眼光射人珠的皪  
鬼奴鬼妾千萬形蟹怪貓妖最蕭瑟勢能使鬼鬼不違  
鬪醜在後嗤鍾馗英雄如山堆白骨莫倚區區手中笏

青山白雲圖

若有若無青山之嶙峋欲斷不斷白雲之氤氳往往何

人得此意高公彥敬下筆藝絕倫我歌紫芝白雲裏白  
雲卻向青山起裁雲爲我衣堆山作我几松花釀酒三  
千石醉後高歌歌未已歌罷仰天笑此樂人中仙心搖  
赤城霞目斷蒼梧煙左執容成袂右拍洪崖肩五雲之  
佩何翩翩乘風欲往蓬萊巔蓬萊巔渺何處金銀樓臺  
隔煙霧青鳥銜書海上來千歲胡麻欲成樹悵不往兮  
心茫茫雲浩浩兮山蒼蒼人間亦自有真樂還君之圖  
兮贈君青山白雲作

題五馬圖

開元四十萬匹馬誰是超然出羣者曹韓筆力非不工

明

金華詩錄

卷二十五

十

須信真龍最難寫真龍只有拳毛騮太宗騎此開唐家  
雄姿猛氣世無敵當年識者久歎嗟吳興公子畫五匹  
滿眼風雲起蕭瑟一匹玉花鬃且驕一匹飛黃甚飄逸  
駁文殊者一匹雄一匹紫電奔長虹中央正立一匹胡  
青驄遂令四馬皆下風想見承華青苜蓿此馬由來字  
天育殷紅盤袍帽紋縠奚官杖策來監牧花萼樓前風  
日遲五王宴罷何逶迤乃知畫師用心苦俟我落筆題  
新詩

題陳世恭所藏山水圖歌

米公老手無人繼從此乾坤少清氣畫師落筆頗似之

素練曲折開秋意上有青山萬疊之嶙峋下有白雲千頃之氤氲丹楓翠栢森左右年淡乃成十抱文白石坡頭野亭小一葉漁舟蕩清曉對岸想像忘機翁坐石蒼苔談未了我嘗四載客京華每見畫圖成歎嗟垂老歸來愛幽獨欲借雲根半間屋

題南山獻壽圖

將軍落筆怪且雄能寫嵯峨峯崒萬仞之奇峯糝糊猶含太古色慘澹頗帶春秋容儼如蓬萊三山翠且重又如廬山五老削出金芙蓉千盤萬轉不可測恍忽雲氣隨飛龍下有泉澗之流泉上有偃蹇之長松松根羽人

明

金華詩錄卷二十五

十一

顏色好抱鄒盤陀事幽討云是南極天邊之壽星遨遊先天後天老被以青霞裘蔭以白羽葆龜游六沼沉滄波鹿放蒼厓食瑤草有鶴有鶴飛且鳴雪衣丹頂隨風輕兩鶴飄然入紫清一鶴獨立和以簫韶聲手拈雙青童載以白玉笙上朝三十六帝京五雲仙樂來相迎玉女投壺其聲錚錚白兔搗藥使人長生胡君欣得之喜氣何盈盈是時七月涼風生君來飲我黃金觥酒酣再拜求我歌須臾落筆雷電轟五丘爲之動三江爲之傾此圖足爲仁者壽題以南山獻壽之佳名胡君胡君宏愛惜我歌歌罷千金值挂向高堂雪色壁夜夜虹光射

天赤

王子約雙鉤竹歌

王君金華人畫竹誇當代此竹乃是鉤勒之所爲坐上  
千人萬人愛愛君爲人清拔俗興來踏徧篔簹谷籊籊  
桃枝紛入眼籊籊篔簹常經目往年曾見吳門道士張  
溪雲歸晚軒中事幽獨有時不作山水圖戲拈銀毫書  
此竹王君筆法乃過之比似張生更神速王君寫竹能  
寫形脫略粉墨辭丹青或如金錯刀或如鐵鉤鏤或如  
銀幡寶勝之飄飄或如金節羽衣之婀娜或如白鳳尾  
或如蒼龍撩天機逞其妙形狀何瑰奇唐時亦有蕭協

明

金華詩錄 卷二十五

七

律所至清風起蕭瑟眼昏手顫藝轉工一十五莖稱絕  
筆宋時亦有文湖州畫竹人推第一流能令萬籊起厓  
谷出牆之梢爲最優東坡作竹短而瘠別試龍葱在林  
僻玉堂多暇圖一枝別有小坡能畫石前元作者李仲  
賓琅玕卓立無纖塵薊邱家世不易得父子相傳俱絕  
倫吳興學士趙公子飛白之石誰能比水晶宮中春日  
長移得藍枝落窗几後來又有柯丹邱大葉長梢動晷  
旒天顏有喜頻賜予晚節衰颯江湖秋諸公畫竹工畫  
影隔簾彷彿瀟湘景我欲鼓柁游瀟湘碧雲萬頃浮天  
光美人涓涓隔秋水欲來不來空斷腸我來乘風發清

嘯扁舟直過湘妃廟中流鼓瑟聲鏗鏘和取湖南竹枝  
調何如曩昔行李遊京都故人爲我共作翠竹紅梅圖  
原父寫梅君畫竹價重已壓青珊瑚挂在成均之左廡  
交遊軒冕觀如堵天上歸來十二年柴扉草閣荒山田  
此君風節還依然王君王君聽我語我歌長歌君起舞  
花溪水接雙溪長與君百里遙相望不如坐君西郊之  
草堂歛坑舊硯楮而蒼鵝溪素練雪色光風晴老嫩任

君寫無使古人專擅塲

金華明初工畫者余仲揚山水王子約竹人無  
知者余仲揚僅一見姓氏於葉顥詩已取劉子

高劉仲修二公題所畫山水詩注下王子約畫竹得此足以傳矣又按花溪在永  
康縣治東出密浦山東流合雲溪折而南至鶴鳴溪又南至金山前別而爲一其  
下流復合又西合酈溪至縣合於南溪自此而西至桐琴合大洞溪入武義界  
至郡城此詩云花溪水接雙溪長與君百里遙相望亦可爲遷居末康之一証

金華詩錄

卷二十五

三

次何贊府遊壽山詩韻

我昔手持綠玉杖徧觀壽山寺外峯律之奇峯天風吹  
我衣雲氣盪我胸峯形時爲五煙霞有路遙相通橫秋  
雙澗橋影枕寒潭空上有欲落不落之怪石下有半枯  
半活之欹松一峯凌紫霄曙色何瞳矓金雞喚醒海底  
日絕頂尙有蒼涼蹤一峯翠氤氳恍如武陵之景迷西  
東山泉春雨餘流出桃花紅左右一峯若覆釜氣蒸雲  
霧秀所鍾西看瀑泉吼飛雪乃有一峯迴出倒挂虹影  
於晴穹一峯後顧復何似巖巖儼若蟠蛟龍輪青獻翠  
千萬狀竝視培塿誇豪雄香爐紫煙遠莫致廬山漫詫

金芙蓉伊昔當年紫陽翁二三賢俊題名同嗟余寥落  
生苦晚不得親陪杖屨遊其中兜率臺高花雨濛金仙  
跌坐青蓮宮何當復約峨眉松公靈巖石室幽絕處笑揮

白玉麈尾盡日相過從

黃綰遊未康山水記從剡入未康見五峯相亞  
意卽壽巖其巖然而出者曰天柱覆而左者曰

石鐘踞而右者曰維摩臺又左曰石甕又右曰蟾蜍行度一舍沿溪折入見大石  
插空不可仰視羣木森茂雜然其間又行從木林見樓閣在石壁中梯石而升弛  
擔而休倚檻見東南一峯突起曰雞鳴少進一峯踈出而俯曰覆釜覆釜之西一  
峯尤傑曰桃花北一峯稍低水時時下滴曰瀑布瀑布左連大石壁下梯石室之  
高澗數百丈若晴霞爛然曰因厚壁下皆洞時曰欲踊谷中有雲氣籠水蒼然蒼  
碧日穿木葉入照洞中光景甚佳西上煙痕在萬皆宋元人書遊觀詩及歲月姓  
名陳龍川朱晦翁呂子約嘗同遊乃龍川觀書其上又有兜率臺三字晦翁親書  
至臺上石崖間有朱文公所書兜率臺二字臺石數十步有一洞爲羅漢堂堂  
之前有泉數行如屋滿長數百丈遠從桃花峯下洞前澗中可望而不可近真奇  
觀云堂之右有書院祀婺州理學諸公書院右仰山轉折處峭壁參天有瀑布從  
後峯及覆釜峯相夾中流而下注崖石間其聲泠泠潄潄布左右皆石崖如龍可容

金華詩錄 卷二十五

丙

臥坐

煮豆酌白酒歌

原注茂  
戍前作

煮豆酌白酒豆肥酒氣溫相對二三子其樂誰具論君  
不見曉來雨過東家邨叢叢豆莢生籬根阿翁提籃蹠  
雙足采摘采摘呼諸孫歸來笑指老瓦盆酒波猶帶新  
糟渾田家酒具如窪樽一盃入口春無痕兩盃三盃鯨  
濤奔四盃五盃和江吞須臾飲至百十盃眼花耳熱低  
乾坤憶昨虎豹如雲屯旌旗滿目煙塵昏殺人如麻血  
成海十室九家無一存大臣自合死社稷况叨厚祿承  
君恩近聞省府日筵宴樵牛宰馬齊崑崙吾徒布衣在

草野憂心惻惻懷至尊嗚呼蕭艾滿城邑馨香不數蘭

與蒸呼童煮豆復進酒呼兒爲我關柴門

此詩當是避亂金華時作故與後章

三益匡山行俱以戊戌分前後明太祖戊戌春三月克嚴州冬十月下蘭溪十二月取婺州此所云憶昨豺虎如雲屯指元末沿南翼兵襲郡城賊作亂擾永康紅中城燒燬西峯鹿田諸寺爾時侵掠不一次也

### 章三益匡山行

原注戊戌後作

仙人休吹紫鸞笙聽我一曲匡山行青蓮居士讀書處  
至今石室丹霞明龍泉西南百餘里四面崢嶸翠峯起  
先生結菴當畫圖正與匡山景相似屋前屋後皆種松  
坐看百尺蒼精龍苔皮淡含霜雪古鐵幹返走風雲從  
一亭下浸蒼波冷縹緲煙雲成萬頃中有神魚長比人

明

金華詩錄卷二十五

五

翠簪翻動玻璃影一亭上與浮雲齊赤闌干外青天低  
分明投壺笑玉女彷彿出海聞金雞東南一亭隱林樾  
地位清高隔炎熱人間赤日如火流疎簞琅玕自蒼雪  
最其秀者環中亭周遭萬朶芙蓉青朝來爽氣落吾袂  
蘿風吹日天冥冥鶴怨猿驚歸未得繡衣今作青雲客  
故山回首五情搖歸夢時時到寒碧自古山林鐘鼎同  
先生况有前賢風少待功成拂衣去入門依舊山花紅

明祖下婺州章三益與劉青田宋潛溪同被召詩必此時作蓋規之蚤退也

### 雨過許叔大

山雨霑衣溼江雲度水寒也應如杜甫曾此過蘇端綠



蟻春漿甕青絲野菜盤平居謝拘束與子罄相驩

石室山

石室初從混沌分呀然一竅氣氤氳山僧慣任鼇鼉窟  
野老能參虎豹羣行怪帽簷常礙蘚坐驚衣裏忽生雲  
幾時更借禪牀臥六月松聲絕頂聞

吳安國遊記自靈巖可二十里曰石室山山亦秀峻

上有洞洞小僅存洪福寺永康縣志石室山高二百丈四面石壁聳起東溪流環繞其下緣巖而上有石洞中通若夏屋可容數百人中有一石柱又有一巨石如竈傍有石井甚清冽舊卽洞爲寺曰洪福今廢其旁又有巖曰西巖飛瀑湧出石壁間當雨後水盛時噴薄如轟雷

紅梅

滿林紅雪影氤氳夜靜和香浸碧潭卻憶騎驢二三月  
杏花小雨看江南

明

金華詩錄 卷二十五

六

暮歸

山腰小路曲如蛇薄暮疎疎雨潤沙醉裏亦知春色老  
西風開徧木棉花

金華詩錄卷二十六

明七

胡榮

榮字希華蘭谿青陽人今浙湯溪學問文章頗有端緒

榮歸州隱居不求進取常自謙抑伍于齊民縣符下其

甘與人鄉奉役維謹求樂間辟人才不就正統初歲饑

約子姪共出粟二千一百石助賑奉詔旌異自

號澱溪漁隱卒後門人私諡文莊先生有澱洲

漁唱集

胡氏之先隨宋南渡居金華臨江又由臨江徙蘭谿河西市希華祖維二聲楓林劉氏生二子廉一廉三廉一名麒

字德仁希華父也維一客遊外郡二子尚幼當元季兵亂有王萬戶者至其家窺見劉氏欲劫之氏兄劉十三逆知遣家人潛出避而以

金華詩錄 卷二十六

明

禮延接至晚索其妹不得縛十三以火脇之十三怒罵曰我中山劉氏肯從汝作狗彘行耶遂被焚死其後二子成立家漸裕乃遷青陽祀劉

十三於家廟成化七年割衢州之龍游處州之遂昌金華之蘭谿三縣地為湯溪縣而青陽屬湯溪胡氏族漸大德仁遂為青陽始祖云

釣臺

南陽龍飛握四七萬方雲合天下一竿裘故人何所來

甘向吳中臥泉石一朝物色歸禁城連衾欵敘平生情

攀龍附鳳總不願但願巢許同其清絲綸嫋嫋扁舟小

江水雲山共昏曉千載誰知釣客心雙臺迴出風塵表

菊花

處士去已久尙餘花骨寒莫欺傍籬落曾識晉衣冠

鄭幹

榦字叔恭浦江人義門漢子從學士宋濂遊求

樂初以薦授監察御史

明詩綜詩話叔恭宣撫廣東民以取珠爲苦至卽奏罷求樂十二年

年已七十有二矣值長陵掃平沙漠因進五言詩帝曰可謂滿朝詩伯第一叔恭告歸帝子勅書許致仕賜宴禮部被以金繡衣問誰可

代者叔恭舉從子煜御筆

卽除御史義門詡爲盛事

寄宋仲珩

鸞斯桑下飛青鳥海上游如何不同調羽翼有短修故人昔相見時時話綢繆出入念同車無衣念同仇一朝參商如豈不懷百憂初盟僅不渝在遠情愈周但願似夙昔烏用苦相求

邵玘

金華詩錄卷二十六

明

一一

玘字以先蘭谿人永樂四年登進士第官監察御史歷江西福建按察使時宣宗患京職多曠欲舉考察之典召公爲南京都察院左都御史卒於官

題竹

誰寫琅玕竹數竿  
高秋疑欲拂雲端  
繡衣曾向瀟湘過  
彷彿當年帶雨看

杜桓

桓字宗表金華人永樂七年登進士第授趙王

府紀善王禮遇之未嘗稱名致仕歸有尙儉齋

文集

金華府志人物小傳云杜桓領鄉薦以親老家居就養不起春試因博極羣書至載科第則杜桓係戊子舉人已丑蕭時中榜

聯捷進士與親老家居不赴春

試之說前後矛盾未知孰是

雙溪風月

西來二水繞山城混濇平流夾鏡清涼動晚風歌歎乃

光涵秋月映空明澄潭下見魚龍影兩岸時聞竹樹聲

卻憶休文千載没至今吟詠屬先生

金華縣水東港自東陽大盆山過義烏合眾流西行

入境曰義烏港南港山縉雲黃碧山過永康武義入境曰武義港二水會於城下

曰雙溪齊隆昌開太守沈約登元暢樓賦八詠詩題於壁上有曰登樓望秋月會

臨臨春風後人因印名樓為八詠樓唐嚴維詩明月雙溪水清風八詠樓登樓撫

檻下臨雙溪也劉禹錫詩何況曾經沈隱侯化得邦人解吟詠此詩結聯卽承劉

詩翻其意

白沙春水

金華詩錄 卷二十六

三

白沙溪水鏡光清水面無風似掌平春暖錦鱗吹細浪

晚晴黃鳥囀新聲煙隄綠樹人家少雲渚斜陽釣艇橫

三十六渠饒灌溉秋田萬頃仰西成

白沙溪在金華縣西又名白龍溪出輔著山西北行

入境經臨江台于大溪右金華十詠之一又有芙蓉晴翠南山秋色三洞煙霞紫

巖落照青松于石靈源寶地麗澤儒宗四賢遺緒八題芙蓉晴翠云雨霽襲衣嵐

氣溼春深照眼翠光濃南山秋色云孤鶯斷鴻飛杳杳碧蕪紅樹

映斑斑赤松于石云歲久未隨煙草沒春溪應長雨苔班句亦佳

吳澤

澤字叔霖東陽人末樂十三年登進士第入翰

林爲庶吉士歷兵科給事中巡按福建有瑞竹

詩稿

郡志稱高麗王與樂浪仇殺授行人司司正宣揚德威二國咸服贈珠寶悉進上云益重之事不見史存其說于此

都門送錦衣趙希庠

朝罷歸來送別時  
龍江曉月浸清漪  
蒼顏自諳將雛苦  
白眼偏嫌發櫂遲  
今日承恩歸故里  
何人杖策贊戎師  
河干無限臨岐意  
珍重新裁七字詩

胡文善

文善名善蔭以字行蘭谿青陽人

今析湯溪

永樂十五

年鄉舉第一十六年登進士第入翰林爲庶吉

士歷吏部郎中

南城晚眺

青山西望夕陽消  
風景蒼蒼引興饒  
掃葉僧歸林下寺  
釣魚人坐驛邊橋  
煙橫極浦雙鳧沒  
雲盡長空一雁遙

明

金華詩錄

卷三十六

四

回首親庭東海上  
關河隱隱樹迢迢

盧睿

睿字仲思東陽人永樂十九年登進士第授監

察御史按遼東練兵訓士甚著聲績正統間遷

右僉都御史巡撫大同宣府時瓦剌入貢馳馬

挈家日費牟三百餘俱出邊民睿奏每歲邊糧

折銀以辦民甚德之鎮守內使郭敬帖勢玩法

睿每抑之遂誣以擅減供給奏上親訊得直遷

右副都御史總督寧夏軍務區畫邊地期於經

久初授田屯軍不計肥瘠睿視瘠者以閒田益

之且教以墾闢灌溉之法於河套徧栽楊故紆  
其徑以防邊馬至嘉靖間仇鸞議開馬市盡斫  
楊木而河套失守矣

東陽盧氏宋治平間斃封盧實始自台  
來遷居邑西巧溪口傳而居雅溪科第

自仲思始繼訂定蟬聯  
不絕為雅溪著姓

### 題庫部主事鄒孟爵寒谿圖

金川有佳人温温美如玉好靜遠市塵築室傍山麓寒  
泉瀉澄紅纖草映階綠有時調素琴泠泠響巖屋襟懷  
淨如洗標格清不俗時以宦京華不得事幽獨命工繪  
作圖舊遊俱在目公餘一討尋差以慰所欲

### 靜齋還珠圖成感賦

明 金華詩錄 卷二十六 五

還珠舊事畫新成祖德重馨身後名直道竟如三代古

臨財奚翅一毛輕失憂得喜誰能恤既壽而康我獨榮

自是遺風敦薄俗令人千古仰高情

盧克明嘗拾遺珠一囊於  
路坐候其人詢實還之其

人感且泣願舉半以贈方卻之而歸一邑  
盛傳其事克明以壽終謂厚德之報云

### 龔全安

全安字希寧蘭谿人隨父戍紹興遂入郡庠為  
弟子員永樂二十二年登進士第授工科給事  
中歷左通政正統十四年扈駕北巡與同邑吏  
科給事中包良佐御史童存德俱死于土木之  
難英宗復辟加贈全安通政司通政官其子廷

輝爲刑部照磨良佐承德亦各蔭一子全安有

集包良佐字克忠正統七年進士童存德字居敬正統十年進士俱蘭谿縣人

黃君大宏出山水圖索題

黃君讀書愛文雅冰雪襟懷最瀟灑生平愛畫重黃金  
此圖何人爲君寫妙奪造化生臺端千巖萬壑胸中蟠  
忽卷松濤動清籟半空飛落疑驚湍平林迴接穹崖裏  
參差樓閣凌霄起碧紗窗寒籠曉煙翠石闌低映秋水  
摩挲此景何處同金鰲光射蓬萊宮滿地雲隨紫芝長  
一泓泉與瑤池通隔斷紅塵路迂僻煙霞縹緲多仙蹟  
颯颯涼颼樹杪來絕頂飛流挂千尺天開奇勝人間稀  
明

金華詩錄 卷十六

六

雅趣未許常人知便欲追遊不可得且從談笑一歌詩

周啟

敗字叔和浦江人自號浦陽江漁以文學知名  
尤工真行書永樂中召入文館官中書舍人侍

內廷幾二十年引年歸

詩見江邨銷夏錄係題王孟端墨竹卷孟端題云俞君攜此卷徵墨

君時小酌微醉即欣然一揮不覺紙盡其韻度雖不能盡合古人繩墨然一種林泉散逸之氣出自家意思者似亦可取俞君天趣甚高其必舍形似而得於牝牡驪黃之外矣永樂庚寅仲夏望前三日

馮外史有詩題墨君因次其韻

丹霞曉雜文光起尋訪元都馮仲子瑀室翠館不易到  
俗緣脫盡來過此此中宛似小瀛洲颯颯松風天際流

呼童洗鼎淪新茗促席忘言清味投品題重見王逸少  
文章翰墨兼通曉醉揮古墨成琅玕淇澳風清湘月皎  
縱橫枝幹備法書未讓老可專名譽渭川千畝目不盡  
嶰谷萬箇春無餘汀葭沙草含霧氣懸崖竇石殊適意  
長波浩蕩渺天涯籟龍吐蟄尤驚異雨飛數點蒼苔溼  
鳳凰欲下祥風飄俞君得此足祕玩騷人墨客時交集  
今歸將門橫劍林高標勁節無塵侵凌霜傲雪色不改

共期歲晏堅貞心

馮外史者皖城馮鼎  
仲彞也自號翼雲生

童文

文字仕郁蘭谿人永樂中官太醫院

明

金華詩錄

卷二十六

七

季春晦日

故里何時到飄零似轉蓬情傷今日裏春在別離中葉  
暗千林綠花銷萬樹紅年年當此際感慨立東風

秋思

江南秋色雁初飛江北行人未得歸一枕不成蝴蝶夢  
砧聲何處擣寒衣

李敘

敘字秉彝東陽人永樂十二年鄉舉人太學宣

德初拜監察御史嘗命錄囚交陟俘囚凡三十

餘人皆辨釋之出巡淮揚累劾大臣中貴所爲



不法禽豪右之害民者正其罪朝野稱之都御  
史顧佐在帝前論御史盡職者佐舉敘諸權要  
憾之搆以事下獄旋起旋罷至天順改元復職

家居凡二十年以高壽終有因菴集南征紀行

錄按明史宣德初年每歲三四錄囚其時黎利攻交趾王通棄交趾

與黎利盟下獄論死則是中國往救交趾未知交趾俘囚何如人也東陽志又云權要搆事下獄會八百車里二番讐殺累遣廷臣招撫不服朝議推敘乃左遷行人奉特旨往諭皆納款上大喜令復前職按史傳載八百與諸夷仇殺在末樂初遣內官往車里者道經八百爲所阻遣司賓田茂推官林禎齋勅往諭勅西平侯沐晟嚴兵以待晟率師及車里諸宣慰兵至八百境破十餘寨八百恐遣人詣軍門伏罪此末樂三年事宣德以後天順以前無車里八百仇殺之事宣德七年八百遣人來貢奏波勒土酋常糾土雅之兵入境殺掠乞發兵討之帝降勅撫諭未聞遣使亦非車里不知邑志何據或乘襲仕非宣德初也

明

金華詩錄 卷二十六

八

過下邳弔子房

子房誠孺子擊秦奮其槌中副計已失傍徨走下邳一  
受黃石書遂爲帝者師報韓遂素志佐漢開宏基功成  
拂衣去偉哉何見機

子房椎擊秦皇固屬少年意氣所激而大索不得其人已非凡矣

過韓城弔淮陰侯

王孫未遇日寄食亦困窮俛首勝下辱貽笑一市中及  
逢隆準公吐論何其雄固知豪傑士不與惡少同當時  
少弗忍安能樹元功

吳昉

昉字世望東陽人末樂二十一年鄉舉授吏部

主事考察公敏御賜曰金忤權貴謫山西會靖  
遠伯征雲南舉參軍務以昉言給還所掠幼小  
八百餘口民立祠祀之復官乞休年九十七一

日朝服謝恩賦詩以卒

按明史正統五年麓川宣慰使思任發叛數敗王師黔國公沐晟討

之不利道卒沐昂代條上攻取策徵兵十二萬六年拜蔣貴平蠻將軍李安劉聚爲副王驥總督軍務大發東南諸道兵十五萬討之驥馳傳至雲南部署諸將連勝之率其巢穴明年遣偏師討維摩土司韋郎羅郎羅走安南俘其妻子傳檄安南縛之以獻五月師還封王驥爲靖遠伯是年八月復命驥總督雲南軍務以思任發貢緬田也不能獲思任發之子思機發貢者藍驥聽者藍發其巢得其妻子而思機發脫去明年召還緬人以思任發來獻而思機發竊駐孟賚地屢遣使入貢謝罪乃欲其婦入朝沐彬帥師至金沙江招之不至十三年復命驥總督軍務而思機發脫去終不可得與思任發少子思陸立石表誓金沙江上而還靖遠伯三征麓川其立功在正統六年世望秋思詩云正統乙丑書於大同旅舍是正統十年尙在謫所品志所云察靖遠軍務或當十三年金沙江用兵之時也

明

金華詩錄

卷二十六

九

秋思

八首錄二 原注正統乙丑秋八月書於大同旅舍

萬里家鄉遠依樓古代州霜枯青冢草風冷黑貂裘  
戀關心常在悲秋淚莫收無錢可沽酒難解客邊愁

八載居邊塞時時憶故鄉客腸如縷結秋夜比年長  
慘切情無緒蓬鬆髻有霜東籬終日坐不見白衣郎

倪報

報字德俞金華人

龍門倪氏家傳持重有識元末紅巾盜發所逼殘滅入州境家人踉蹌避走曰何張

皇若是紅巾志在鹵掠心不到淡山已而果然行人無賴疎一本于忠厚謠譟散亡與族昆弟設立行簿登記傳世以爲式自號南山樵隱比卒里人祀之爲土神

題望雲思親卷

原注族弟彥彰爲潮州府同知有望雲思親卷

潮陽遊宦已三秋爲國勤勞爲母愁南海棠陰雖減訟  
北堂萱草未忘憂倚門望久情何切命駕歸遲淚欲流

原注時以同知考績便道歸省按求樂初倪燧以

此日到家暫歡會斑衣稱壽酒盈甌  
人材舉授潮州同知母年七十餘雷家以不能將母爲念鬱鬱不樂太守晉安陳公爲畫望雲思親卷以慰其情自爲之序并屬諸紳士和焉因考績歸省族之能詩者咸有題贈倪才詩結語云明朝回首孤雲白只在芙蓉積翠前亦有致

### 郭仲曦

仲曦名華以字行蘭谿人宣德十二年以賢良

方正舉授南京都察院照磨正統初改北京刑

部照磨秩滿陞廣東道監察御史有東郊草堂

### 集

周紀郭御史行狀七歲失恃哀幾絕人咸異之十三從通政龔全安學節能屬文官廣東道監察御史值北警奉勅巡視蘇州景

### 金華詩錄

卷二十六

十

明

泰庚午奉勅守簡易州守邊三年凡軍民利病城池可否知無不言舉賢在能不畏權勢不容奸邪前後有三十餘奏多所裨益上皆欣納至壬申復命方且大用竟以疾終於位惜哉

### 神草爲朱副憲賦

原注公爲四川副使神草生於廳事

名伯布仁化甘棠藹青青鄭元紹經術書帶紛前庭寇

氏本忠義岐竹插卽生田家敦友愛荆花悴而榮自非

真意洽安得和氣呈憲臣秉清操玉壺湛寒冰鞫獄平

以恕春陽煦蒸蒸以茲蒞藿草兀兀毓公庭挺奇異凡

質半白還半青兒童手競折折絕蔓又榮感應有至理

宰物豈無神楓陞下丹詔栢臺握機衡謨猷贊天子四

海稱隆平曦也忝幕下日擊心爲傾

聞詔有喜述短歌一章

正統六載月當一陽維時螫蟲皆坏戶吾皇仁化思開  
張詔書五彩抱雙鳳金雞銜出天初光羽林虎士嚴守  
衛明矛畫戟凝清霜彤墀百官班鵷鷺聯蟬接珮聲鏗  
鏘玉門金殿洞四達天子當陞垂衣裳明良一德慶千  
載都俞吁咈如陶唐鴻臚傳命紫泥啓傳宣高誦聲琅  
琅其間條目有四十一一皆欲民安康緩征薄斂省刑  
罰奸邪屏斥升賢良老者有帛饑有糧旌爾孝義招逃  
亡朝野呼嵩效山祝歡聲動地雲飛揚但願皇圖鞏固  
安盤石聖壽萬億與天地悠久同無疆

明

金華詩錄

卷二十六

七

東郊草堂自吟

東郊縛茆屋近接紫巖西繞水栽菱沼圍山種藥畦瓊  
瑤梅晚吐絃管鳥春啼何日容歸老隨行信杖藜

仲冬與雙林禪師遊山

冬風蕭颯萬林稀登眺行同惠遠師笑傲東林詩有社  
遲畱南澗石爲碁霜酣紅樹明於錦雲斂青山曲似簪  
安得高人續良會虎溪未勝此間奇

遊谷林寺

高峯日上紫煙開一徑迢迢半綠苔幽鳥避人穿竹去  
老僧迎客出林來青崖雲暝藏孤塔碧澗泉香汎落梅

登眺未窮方外樂歸心又被暮鐘催

九日以右丞遙知兄弟登高處句分韻得處字  
六言一首

東林柿葉飄紅南浦蘆花飛絮只因霜菊佳時引入  
花高處

題百舌圖爲李繡衣

問關聲起羨春時底事孤枝託穩棲上苑只今桃李鬧  
東風何樹不堪啼

卽景託意  
風人之作

澄清堂漫興和楊繡衣韻

鍾阜雲來散復生栢臺斜照入朱櫺太平筆硯無封事

明

金華詩錄

卷二十六

七

間寫浮邱相鶴經

過毘陵驛與孫康叔飲醉臥醒而成此

殘月疎星酒欲醒蓬窗歸夢枕邊生分明千樹梅花底  
斜倚東風倒玉甕

南過梁甫店夢中作不知其何爲而成也時正

統癸亥冬十二月十八日

山繞平原樹繞川重來今已一千年洞簫吹徹無人識

白鶴橫騎月滿天

又有覺後憶有仙人事追和一絕云月冷蓬  
壺歸去疾海波如鏡浸踏天亦頗得仙趣

諸葛陞

陞字廷翊蘭谿人

重過友人齋

紅橋碧檻面江開  
江上寒潮去復回  
樹影繞樓人不見  
花陰滿院月空來  
浮雲往事俱成夢  
荒徑遺踪半是苔  
猶憶去年秋雨後  
西風黃菊共銜杯

王柱

柱字器宇東陽人有春野堂詩

器宇有墓前四望詞同邑徐節爲之作墓前四

望詩有序云器宇葬其父於雙溪之原廬墓者已三年矣復於其旁爲亭顏之曰存思將以爲終身之墓焉按東陽志趙孟實名光華以字行嘗於其父環清墓側建菴曰永思菴每至輒涕洟髮種種猶如此王汝爲作記孟實成化間人器宇有宣德九年貢方物上京遇風詩生在宣德間是已爲孟實開其先矣邑志不載

題山水

金華詩錄

卷二十六

三

白雲匝地迷煙波  
水流蕩漾山嵯峨  
小船載酒去不遠  
草堂古樹垂藤蘿

王寬

寬字敬敷東陽人僉事乾章父有建南稿

東陽歷朝詩云

任龍南敘論不知以何項入仕志書不載

解任歸書草萍驛

三月草萍驛  
風花點客衣  
春山啼杜宇  
也道不如歸

遊王氏花園

彩雲香霧擁瑤壇  
美滿風光溢畫闌  
可是玉郎太癡絕

萬花獨折一枝看

郭仲南

仲南名冕以字行蘭谿人正統四年登進士第

官行人歷南京刑部員外郎有復初子稿省齋

集

晉陵王與比部郭仲南莫表故事進士始第必分隸諸司使明習吏事而後授職眾皆玩廢君在大理獨究心犴獄刑部尚書魏公

知其賢期得君為屬司主事疏入而君以母憂去官矣所知或勸君少延俟命君曰是而可忍奚以為人服闋授行人每銜命使四方既

而奉詔往諭安南國比至王遣使議相見禮欲視肉藩親王君曰我持節遠來禮我是隆朝廷王苟自尊大豈將不奉詔耶王聞之歎曰

是真不辱命者也于是賓禮有加事竣王贈黃金五十兩白金七十兩及沉香諸物堅拒之一毫無所取王遣使來上表謝其陪臣私主

客曰上國詔使郭行人真偉丈夫也及任刑部治刑必詳慎

山家

山家無事不關情候曉幽禽處處鳴秋麝落香隨路有

明

金華詩錄 卷二十六

古

嶺猿尋果逐人行林深古木煙拖練葉墮空階雨助聲

午夢醒時茶正熟憑闌把盞看雲生

紫巖寺

行山杖策紫巖東靄靄雲深小徑通雨霽人家千樹裏

春濃僧寺百花中快心景物乘時好極目韶光到處同

醉酒野夫多灑落花枝斜插照巾紅

紫巖山在蘭谿縣東二十五里山上有巖如覆釜寺

窪深廣可容百人寺在山下今廢

郭仲初

仲初名冕以字行與仲曦仲南為從昆弟景泰

元年鄉舉歷官雲南道監察御史

括眷趙璉郭御史墓表幼有鉅人志

年十二習爲文字已有可觀十六遊南都從滁州汪學正僉都御史左  
公受易經二先牛感以畏交目之景泰改元中折閣鄉試第九明年會  
試未第入太學凡三試卒困居京邑者五年密邇日內相宅具酒餽邀  
君回辭未幾以南北御史員缺遷選工及國子生之由科日者試以策  
問君首取授南京貴州道監察御史有古監司風英廟登遐服內值丁  
祭有司以告君曰釋衰纓而周旋于豆豎無乃兩失之乎明詔雖曰  
無廢祀事再十日以祭又何不可識者禮之以太孺入諱歸服閱除雲  
南道享太廟嘗君糾儀以從足之服辭曰內欺心外違法我先失儀如  
糾人何成化六年以疾  
乞歸養舟次臨清而卒

### 望靈隱寺

來尋禪寂地嶺色碧依稀古洞雙後靜斜陽一衲歸雲  
香飄桂子泉冷壓苔衣薄莫遊人散鐘聲出翠微

### 漁磯獨立

萍香鱸鱖上風急雨淋離莫笑臨淵拙悠然別有思

明

### 金華詩錄 卷二十六

五

### 過東華門見內官劉寧看馬

玉輦還宮日已斜內臣清暇出東華香街緩步春風晚

閒看西來白鼻駒侍御仕在景泰初及見北狩之事當天順復辟正在朝職此詩有痛定思痛之情乎

### 郭時頤

時頤名震以字行仲初從子景泰元年與仲初  
同舉于鄉仲初第九時頤第十一時以爲盛事

### 官中書舍人有鳳池集

湯溪胡超郭舍人行狀幼從叔仲南仲曦鄉先生周紀治易作文可

觀屢舉進士不第英廟晏駕先生侯選銓曹選入內閣預修實錄書成授官 靈湖郭氏擅湖山之賦資產甲一邑有明德甫樂善好施生四子曰裕未崇愷建文會堂教子孫以讀書裕早卒未字叔末宗字叔榮愷字叔和克繼其志時頤仲宣子叔永孫仲南叔榮子仲曦仲初叔和子也叔和鐫穀二千五百石助賑正統四年奉勅旌獎



約童居敬遊向源

書屋向源裏誰嫌谷口貧庭閒花落晝窗午鳥啼春泉石無流俗溪山憶故人同遊會有約莫遣候迎頻

題琳湖

廿年不攬琳湖勝修竹依然舊日清醉後錯疑湖上路東風吹落鷓鴣聲

盧楷

楷字中夫東陽人天順六年鄉舉第一入太學與商輅范理姚夔楊守陳楊守陟爲六元會共以侷儻才許焉時祭酒邢讓陳鑑司業張業以

明

金華詩錄

卷十六

六

典簿侵饌錢抵罪楷方歷事中書率同監百餘人伏闕上奏申辨京師咸高其義方唐之何蕃

云有可齋集

商文毅六元會詩序六元皆浙闈解魁成化庚寅仲冬二日會于洗馬楊公維新所六元者亞卿范

公冢宰姚公維新暨余暨太學友盧君楷維新弟守陟司寇陸公維新鄉舊也主其席曰此六元交會也盛事難逢不可無述冢宰遂口占一絕有四十年來六解元之句諸公分韻賦詩亞卿舉宣德己酉鄉薦至是已四十年故冢宰云然四十年當十四舉曰六元者以一時聚會言之其他或外任或家居弗槩及也以一時偶然舉首人或謂爲難故異之維新此會非異之也以名之同而道同余輩皆有官職二上舍將聯甲科升朝者六人幸相與以道自勉六人出四郡亞卿天台冢宰與余嚴陵維新守陟寧波盧金華兄弟解元前此兩浙未有之實自楊氏始人尤以爲難云按中夫年三十四卒未竟其志方伯仲佃祠部洪春皆其後也

麗澤會分韻得若字

粵初建三才斯道已有託羲皇忽去茲唐虞迺繼作傳

世夏殷周古風未澆薄平轍駕東轅宣尼振木鐸軻後  
惜無傳秦焰肆熏灼辛勤諸漢儒未能免穿鑿李唐二  
百年僅徙南海鱗宋代最隆盛絕學繼濂洛考亭一荒  
蕪茲事慨非昨否極知泰來陽復在陰剝大明麗中天  
乾坤再開拓罷黜百家言六經更揮霍宏化躋雍熙頽  
風返淳樸科目羅俊彥滾滾水赴壑領薦上春官時命  
有適莫君子貴盡已誰曰久淪落旅食玉河東仍釀舊  
糟粕蒼萃總人豪義理共探索東吳有雙鳳中州見一  
鶚四傑起江右心行皆卓犖五星聚閩南光芒自融爚  
吾浙十三士濟濟精且博譬之崑山下累累萬鎰璞講

明

金華詩錄 卷二十六

七

求務至當輿論協矩矱道德立基本仁義要充擴規撫  
君子心入世歛鋒鏑光陰惜分寸俯仰凜愧怍允矣兩  
澤麗因病而救藥瞻彼他山石亦可以爲錯白璧價連  
城瑚璉出雕琢友道古所重吾儕心孔焯青陽逼歲除  
休暇且爲樂清尊雜盤餐論辨互酬酢分韻迭賡吟絲  
竹間金石所志固有在顏苦孔之卓匪爲利祿媒豈曰  
縻好爵事人有直道阿世恥曲學炳炳一寸丹傾陽奪  
葵藿匪躬臣蹇蹇一士立諤諤中國作長城北門爲鎖  
鑰姓氏照竹冊勳名重麟閣願言崇令德天道恆奉若

此在六元會之外又爲麗澤會詳詩所稱蓋合鄉舉未第在大學之人相與切磋  
也中州鶚東吳雙鳳江石四傑閩南五星以及吾浙江十三王共一千五人雖

陽季孟賜曰同講學者皆先後登用而中夫獨不得一試豈非命耶

送臨海趙太守

太守古諸侯守城寄千里德澤須覃敷庶事藉分理保障非繭絲萬民皆赤子飢者曰子辜寒者曰子恥刀犢可移風琴鶴知潔已一年願復借五袴良有以滇南萬里遊皇仁視猶邇撫字屬老成簡閱在當宁自昔有循良前人詎難企

琴清

陸君愛此焦桐尾膠漆相投結淡契清風明月萬籟聲流水高山千古意彈來豈較弦有無此心自得音外趣

明

金華詩錄 卷十六

六

黃金不鑄子期耳聽者誰能識高致

題雲山圖爲章豫山賦

太守何公寫山水良工一見俱風靡營邱北苑推前賢  
豈必古人竟專美吁嗟何公今亦亡妙墨散漫誰珍藏  
章君持圖屬我賦捉筆展卷如欲狂雲山遠近半有無  
數株老樹猶模糊漁郎前渡覓流水樵夫溪隴迷歸途  
隱隱樓臺隔蓬島獨板橫鋪人跡少啼鳥年年春不聞  
落花處處風不掃畫工巧奪天自然何公况是稱前賢  
美哉此圖良不易昂君什襲家爲傳

秋崖爲卞退之賦

平生雅志好奇特名山到處多遊歷秋風縱目毘陵西  
孤崖千仞聳絕壁片片蒼雲凝不飛山高土與浮雲齊  
半空靈籟響驚瀑白玉一帶懸天梯蒼蒼立戟堆空翠  
鎮日巖風拂虬檜蒼龍洞口雲氣重老鶴聲中月華碎  
中有隱君抱幽獨誅茆結屋崖之麓以崖自况託淡意  
不管紛紛榮與辱朝對崖兮歌紫芝暮對崖兮敲新詩  
半生自得此中趣一聲長嘯蘇門西君不見半裘翁富  
春遯迹誰能同漢庭物色動星象至今千載揚高風又  
不見謝安石東山高臥韜明德一朝整頓晉衣冠天下  
蒼生頓蘇息君今自愛秋崖好未許秋崖可終老西京  
明

金華詩錄 卷十六

九

想見南山皓

不以贈送人南還

送君城東門城東一溪繞下有多情之楊柳上有悲鳴  
之黃鳥舉頭不見舊家山數點青青白雲杳白雲共君  
天萬里歸壽雙親此心喜回首空庭愁煞人長遂一聲  
隔煙起

寄趙孔明

棹發雙溪水愁情絲亂如半窗明月夜千里故人書壯  
志曾題柱窟途漫賦魚懸知相會處鳳闕聽鳴琚

送同邑王廷用上舍南還

十日逢君又送君天涯去住各傷神長門未奏千金賦  
客路誰憐一劍貧郭隗臺前花作陣淮陰祠下草成茵  
到家故舊如相問不必瓊林自有春

寄王允達

別後相思意若何無情歲月易蹉跎歸心海國青山遠  
鄉信天涯白雁過愧我疎慵徒閉戶喜君文筆似懸河  
幾回賓館淒涼處楊柳依依夕照多

順風一日夜至杭州口占

昨宵河埠撥船開午過蘭江晚釣臺今日浙江亭上坐  
半千里路似飛來

盧氏家傳天順壬午爲仇陷繫郡獄郡守聞書聲遣吏問中夫答以詩有傷心偏讀明夷傳驚起恩星到禰堂

明

金華詩錄 卷二十六

三

語遂釋之時屆秋試已八月初六矣風利挂帆一日夜至杭州口占詩云云是科遂發解時人比之風送滕王閣云

樓洪

洪字必大義烏人天順初選貢廷試第一授湖

廣寶慶推官歷湖廣布政司理問

同按察司經歷黃孟獻途中作

一曲長歌行路難倚篷日日看青山偶然沽得金陵酒

聊與知心醉玉顏

金華詩錄卷二十七

明八

章懋

懋字德懋蘭谿人成化二年會試第一登進士第改庶吉士明年授編修內府元夕張鐙命詞臣撰詩詞進奉懋與同官黃仲昭檢討莊昺疏諫杖闕下修撰羅倫先以言事被黜時稱翰林四諫降南京大理左評事遷福建僉事平泰寧沙尤賊聽福安民採礦以杜盜源建議番貨互通貿易以裕商民政績甚著滿考入都年止四

明

金華詩錄 卷二十七

一

十一方求致仕家居二十餘年專以讀書講學爲事學者稱楓山先生宏治中登用羣賢以兩京國學常用名儒起南監祭酒時方遭父憂不就虛位以待服闕始蒞任六館士人人以爲得師武宗立陳治要五事正德元年乞休五疏不允復引疾始得歸屢起不應詔世宗立卽家拜南京禮部尙書致仕其年卒贈太子少保謚文

懿懋爲人平居無甚異同臨大事決大議確然

不易性恬淡嘗云處困窮憶及伯夷叔齊餓於

首陽之下語便自警拔爲文達意而止不求工

有楓山集

楓山與門人張大倫書略云來書所云看書欲自小學而及四書以馴致六經此正古人爲學次第但當立志

堅定不可以歲月經久而畏難也又謂諸子史及宋儒之言皆當究心此亦安然性命之微宋儒論之詳矣至于天文地理禮樂兵刑之類具載于諸經註疏及諸子史傳中若究心諸書皆可理會但求之有序若歲月已過難從事于小學則當補之以敬凡大學之格致誠正修身始終一敬中庸之學問思辨行表裏一誠與論語之操存涵養孟子之體驗擴充工夫不可缺一不過維持此心而存其天理惟恐昏昧放逸而或失之也先儒程氏分年讀書日程一書學者自幼至老用功次第及當讀之書皆備焉進于聖賢亦不外此 楊廉之祭楓山文國朝理學儒雅如黃未軒豪邁如莊定山公則欽華就實獨立其間風節如羅一峯習靜如陳白沙公則既博復約自成一家 董遵道集先生日有孳孳專務躬行實踐叩其著述則曰惡乎暇問以諸儒之言何如曰尊信之曰無異同乎曰異同皆道也見不同焉耳虛已而辨之可也折衷之可也抗顏而排擊之不可也又云人心有小有大大山心窮理小心慎獨先生陋俗儒之學曰耳涉獵特舉朱子玉山講義象山白鹿講義懇懇爲諸生言見之

送春

金華詩錄

卷二十七

二

黃鸝啼老綠楊樹萋萋草滿王孫路落紅無數點蒼苔  
九十春光條將暮東君何事駕言回典衣且盡花前杯

殷勤相送共一醉後會又是明年來別離不用傷懷抱

四時代序天之道君不見功名遂便拂衣漢家疏傳

辭榮蚤

楓山通籍五十餘年歷俸僅滿三考難進易退世皆高之此詩正以自寫其恬退之心也然立朝陳諫疏任外有政績志未嘗不在天下當延

臣論薦先生貽門人董遵書云追惟厥初有志于世既而應舉得官乃左右牽制量能度分自知不可有爲不得已而去以求免素餐之愧少得展布雖抱關擊柝亦所甘心豈計崇卑讀此則詩所云功名遂便拂衣更有味乎言之矣

遊牛首山和沈仲律韻

乘興東山寺清尊共解顏院淡春晝永香嫋午風閒短  
屐行應徧危欄倦亦攀白雲飛不定何處是鄉關

禁中聞鶯

禁苑花深晝漏遲鶯聲遙在萬年枝不隨舞袖歌金谷  
卻伴仙韶奏玉墀長信夢回欵枕處瑣闌吟罷倚闌時  
東風空費如簧舌不道明庭有鳳儀

讀宋聯知先生蚤學漢  
于宣宗翰林之箴矣

蚤朝

未央鐘動曙光生隱隱初聞柳外鶯風靜御爐香篆細  
日高黼座衮衣明螭頭陞擁黃麾杖豹尾班聯白玉珩  
最喜君王勤庶政蒼蠅聲裏聽雞鳴

明詩綜詩話嘗見思陵御  
書一幅真蹟存高上舍處  
觀者疑為思陵御製實極山中詩也惟最喜君王勤庶政句君王二字作  
及時御筆更之是楓山一集會歸之夜之覽矣附識于此以當開寶舊事

移菊

明

金華詩錄卷二十七

三

白玉堂前種紫薇菊花開落在東籬為憐秋後香偏好  
故向春前手自移冉冉旋添承露葉亭亭先長傲霜枝  
樂天只愛黃昏伴一種幽芳恐未知

孫璉

璉字廷器東陽人專心性命之學不應科舉座  
右書窮理以致其知反躬以踐其實二語自省  
所著有寄與吟宗正緒餘錄同里章懋見之謂

非知道不及此

東陽志時多妄譽朱子者璉耀其惑人每溪關  
之垂沒口占一絕示其子曰武夷山上鳳皇鳴

音陽蕭韶分外明可怪蟬蛙不禁口更相聒耳亂人聽 按當日姚江  
倡道東南承學之士隨風接響雜聞相傳之教目為妄離覺齋獨不然  
之著書衛道傳于家庭可謂一時特立之士其詩學

擊壤體多作理語錄攜諸生步涼一絕以見其槩



攜諸生步涼

昨日攜朋步晚涼一溪流水落花香  
丁寧莫作尋常看須究根原一脈長

胡超

超字彥超湯溪人天順間貢入南雍成化四年

舉應天鄉試第六八年登進士第授工部主事

遷員外郎當官廉慎自奉如寒士篤于學至老

未嘗一日釋書卷有恥菴文稿

青陽胡氏家傳超於尚名節志期用世為諸生

時處州民嘯聚為亂即從藩臬重臣軍中指畫平賊事宜營繕員外郎分治通州漕河兩岸皆民稅地臬家據有之為請于部而復之剔弊勤課不踰年而百廢舉初名特後改超作班超傳奇以見志 披吳匏菴送胡彥超詩有云年過四十不作官還將短髮籠儒冠平生一經已

明

金華詩錄 卷二十七

四

爛熟胡為揆入橋門觀前年鄉書名始刊曲江又避春風寒重來橋門住三載打頭矮屋聊盤桓朝餐暮盥不滿盤何須故人勸加餐日高對案笑捫腹自有五色之琅玕其為人可知矣

擬古四首

金陵佳麗地朱樓倚青霄美人顧我笑贈以金錯刀感

激思欲報愧乏瓊與瑤但恐時節晚令我心忉忉

今日何不樂對茲風日好富貴草頭露咄嗟安可保彭

聃不為壽殤子不為天達人能大觀私智徒自小

萬木盡搖落歲月成蹉跎南山有孤竹蒼翠猶婆娑孤

高本天性霜雪其奈何叮嚀九苞鳥月夕止其柯

勢利本禍階積如山上雪樛櫟保天和蘭膏歎先竭罔

念信爲狂炳幾乃稱哲去去不復言箕山有高節

詠懷二首

采采園中葵花葉何旖旎中懷一寸丹託根淺土裏孤  
立終不言含美聊自喜但恐霜雪侵良辰能有幾  
南山有佳菊淡然幽素姿終懷林壑氣不生桃李時亭  
亭白日晚湛湛寒露滋寂寞冰霜後此意竟何爲

雉朝飛 并序

太白呂黎皆爲牧犢子作獨揚子雲謂衛女  
嫁于齊太子中道聞太子死歸家守喪亦死  
得合葬其母憐之援其所御琴鼓於墓上忽  
雙雉飛出因爲此曲余乃述其意而賦此

明

金華詩錄 卷二十七

五

生不得爲雙鴛鴦央死願化作雙雉雞春風一去白日暮  
落花啼鳥寒雲低蓬顆相蔽渺何許斷煙碧草空淒淒  
母攜舊日琴一彈一傷心雙雉飛出穴佻佻聽哀音此  
曲畱傳千萬春愧殺人間再嫁人

按雉朝飛爲牧犢子作本雉豹  
古今註不始于太白呂黎也然

据揚子雲言爲衛女死節  
作此其詞大有神于風教

金臺攬勝歌

有客有客江南來遨遊直上黃金臺金臺我我數千尺  
憑高四顧何奇哉臺之東遠凝眸望入遼陽三萬里海  
風不動波不揚貢舶紛紛來似蟻臺之南路何長吳疆

楚甸分毫茫經商估客競來往轉漕艦舸紛輪將臺之  
西咸陽市百里貔貅列戎壘聖化誕敷武備修羌戎不  
敢窺邊鄙臺之北通居庸連岡壘嶂勢如龍塞上材官  
皆衛霍邊陲甲士總熊臺之下平如掌黃屋巍巍屹  
相向千門萬戶迭邊開共說昇平今有象曉起初聞長  
樂鐘聖人垂拱大明宮千官環珮集拜舞萬國車書來  
會同高樓夾道歌聲起買笑追歡競侈美燕姬趙女顏  
如花醉弄銀箏按宮徵九重城闕遙相連通衢六道多  
人煙金鞍馬肥馳俠客油壁車輕坐少年蹇余素志耽  
豪放不屑低頭居草莽年來欲慕子長遊歷覽山川追

明

金華詩錄

卷二十七

六

勝賞况茲形勝天下奇文皇肇造開洪基平生夢寐勞  
仿像今日乃得親見之黃金築臺求駿骨我亦翻然爲  
時出紆朱曳紫儻有期爲雨爲霖可計日載戢于戈海  
甸清萬邦黎庶慶咸寧才疎未獻河清頌且作長歌歌  
太平

金臺攬勝歌原於駱丞帝京篇其意境實規孟堅子  
平故雖風華典麗不及義烏而格度要可爲之後勁

題畫梅

我昔孤山訪逋老寒煙淡月湖波小暗香浮過六橋西  
一枝漏洩春光蚤自別江南經幾秋天涯冰雪思悠悠  
幾回彷彿素娥舞片時枕上梨雲收長安紅紫飛如霰  
冰魂何處生離怨昨日鴻臚萬老家坐見孤山在輕練

摩抄醉眼疑是真東風不減舊精神撫景題詩漫相憶  
倚樓一任人吹遂

和李商隱紅樹詩

楚林昨夜醉霜紅遠近平原一望同自是托根非上苑  
錯將遺恨向西風御溝題句緣非淺僧舍燒茶焰欲空  
宋玉不須悲短景流光已負少年中

葉睦

睦字敬之金華人成化八年登進士第官和州

知州

對梅懷友

金華詩錄 卷二十七

七

山徑相逢忽數枝陽春消息亦真奇無端落木蕭條際  
早見清香漏泄時牆角自憐成寡侶隴頭誰與寄相思  
東風一樣江南北爲爾躊躇鬢欲絲

鄭錡

錡字威甫蘭谿人成化十一年登進士第授靖

江令以母憂歸靖江民建生祠設像祀之終制

不復出自號聽菴有聽菴稿

北園書種記畧云吾家自先大父長史公始讀書以

詩經領承樂茂子鄉薦年四十九卒于官僅有酬應文稿并大全集等書存于家讀書種子實始于此其時先父聽菴公方九歲讀書之

種幾絕弱冠自知奮勵家貧僅有田十餘畝賣其四之一充行囊游于豐城丁潛軒先生之門三載歸遂以易學名兩浙領鄉薦登印榜

今靖江五載丁大母邱夫人憂遂不起好讀書至老不輟權遷居北園園之東社壇之北創書樓儲三世書以遺子孫錄裴綠野黃山谷

二公之言于後以爲二孫勉裴訓子之詞曰凡吾輩但可令文種無絕其間有成功能致身萬乘之相則天也黃訓子之詞曰四民皆坐生業士大夫子弟能知忠信孝弟斯可矣不使讀書極斷絕有才氣者出便當名世

自警

懲羹每吹葦怒室恆色市泥刺傷易侵杯虵疾難已所  
貴君子心鏡明亦水止紛然機變生因物毋違理

題杜巖

乘興巖底游航清洞中宿涼月澹蒼梧淒風鏗紫竹古  
殿鐙影孤空階蛩響促夜淡衣裳單起步修廊曲

茆屋初成和戚憲副韻

九重天上乞身歸紫閣彤闈夢遂稀松竹未荒元亮宅

明

金華詩錄

卷二十七

八

溪山况近子陵磯忠君剩有丹心在教子那令素志違  
別構茆齋自容與卷簾時睇野雲飛

贈沈石田

珍重吳中有三子秋堂已沒匏菴存石田先生老邱壑  
文行居然一代尊

致仕閒詠

長安陌上看花時駿馬雕鞍繞帝畿爭似牧童牛背上  
短筇吹徧竹枝詞

趙年

年字有年蘭谿人成化十一年登進士第官行

人歷工部郎中聞內臣有希旨將于衢州織造

金龍絹者抗疏極言其不可罷之爲內臣所銜

誣以他事除名有一得稿碌碌集金華府志年官行人屢奉命行祀事

于諸王府在陝西值歲大歉減廩餼爲藩府諸臣倡以賑民飢陞工部員外監厥宿弊盡革中貴懼之差監蠶湖木稅積羨餘且萬金悉歸公帑代還管理五城九門事執法嚴正不可犯人目之爲趙鐵面云轉都水郎中將于衢州織造金龍絹業已成抗疏言不可上充其奏中貴伺其闕失不可得誣以齎所乘馬多索直下詔獄終不少屈以求免竟坐除名

晚泊

瀟瀟煙雨欲黃昏渡日漁燈隔岸明萬里行人歸未得  
蓼花淡處聽秋聲

胡忠

金華詩錄 卷二十七

九

忠字彥信湯溪人有臥雲集

青陽胡氏家傳忠少穎悟好讀書年二十四患風痺

久成病痿遂無仕進志博涉羣書兼通陰陽星歷方藥之術以醫活人不受報病愈者各值桃李于琳湖旁使其吟詠歲久成林人擬之董仙杏云按婺州以醫名者元有丹溪生朱震亨字彥修義烏人幼爲俠尚氣執經于許文懿之門始束修自勵以母善病習醫時方行大觀方心疑之曰用藥如持衡古方新證安能相值于是尋師訂其說至武林有以羅司徒知悌告者知悌字子敬宋寶祐中寺人也得金士劉完素之學見之如故交爲言醫之要必本于素問難經而溼熱相火爲病最多人罕有知其祕者又長沙詳外東垣詳內必兩盡之方無所憾丹溪聞之風疑冰釋學成而歸每治疾巧發奇中名稱藉甚丹溪本學者以醫掩之著述亦僅以醫傳餘無所見因論臥雲醫術及之

山中偶興二首

結廬南山中有客時一至劇談連晨夕媿媿忘寤寐好  
風北窗來披襟得涼氣曠懷不可羈因之發長喟浩浩

天壤間俯仰亦何愧羲皇以上人古道今不異  
落日掃三徑松關掩重重白衣久不來蕭條風雨中東  
籬對黃菊一尊聊自供素心二三人觴詠良從容南望  
亦有山悠然意還同清風百世下邈矣柴桑翁

樂真為孝元題勉學

荷鋤出東郭治彼郭外田土濱田既膏稼美實必堅朝  
來耨爾草暮來沃爾泉曷且鳴長夜起作勤相先三時  
慎勿失登穫慶有年以此力田心相與理簡編秋堂夜  
涼入短檠臨窗前

西峯上贈西峯順長老

明

金華詩錄 卷二十七

十

西峯上人愛泉石婆娑林中寄幽跡了無塵俗隔禪心  
面壁三年悟真寂一機參透元中元獅子從來弄六出  
松間挂衲雲影分竹下翻經露華滴有時放鶴出山來  
白日照空卓飛錫有時呼猿踞月明落葉滿林風瑟瑟  
嗟余未識方外遊翹首沙門幾相憶昨朝忽解泉石盟  
乘興偶然過蓬華捉衿清話若平生兩眼橫波湛秋碧

亦言山秋夜湖上次韻

蘆汀月皎皎蘆花風蕭蕭風蕩湖上水水跨湖邊橋  
橋頭有客樂棲隱日日來尋秋後景錦鱗躍波鷗鳥飛一  
片湖光共雲影君不見太乙仙中夜漾漾蓮葉船輕風

作帆浪作檝臥看玉宇秋無邊又不見博望侯靈槎上  
天探女牛天河水高流不息回首塵寰幾今昔吁嗟二  
翁不可逢青雲絕跡安能通不如自把一竿竹江湖散  
誕無拘束筆牀茶竈共風煙有魚可釣書可讀又不如  
學鴟夷子汎五湖明哲保身真丈夫黃金滿載積復散  
高風萬古稱陶朱古來賢達難盡數人生出處皆如許  
興來呼酒且長歌風清月白如我何滄浪一曲歌未足  
濯纓濯足從所欲明朝酒醒當更飲醉把湖山作衾枕  
證果寺蓮花贈英上人

一池花發對禪堂映日暉暉滿上方始證空中皆是色

明  
金華詩錄

卷二十七

十一

因知淨域本來香碧筍折處清風起翠蓋欹時甘露涼  
喜得上人能結社東林千載續遺芳

湖邊秋夜

微月生夜涼秋滿蘆花裏涼雁起一羣戛戛飛過水

與彥本彥超夜飲

松梢滴露鶴鷺棲坐看檐前月漸低花影多情偏近我  
一枝移在畫闌西

胡未孚

未孚字彥誠湯溪人有松石遺稿

題水月軒



表裏無纖塵乾坤皎相映幽人此開軒相看恣吟詠水月何比倫玉壺湛金鏡月以明我心水以澄我性

胡永祚

永祚字彥本湯溪人有一峯集

青陽胡氏家傳永祚從祖文莊先生榮好接文

士四方至者無虛日命永祚執筆札成以佳子弟稱之及遊金陵謁秋官亞卿吳叔紳為訂忘年交既歸取漢魏以下詩與伯兄琳湖松石從弟琴月彥旭日夕淬厲自為師友於硬上西南隅累土成巒高數仞名曰一峯作亭其上亭上安筆硯茶具亭下植花竹風日清和即與諸昆季酣飲廢唱終日不倦

漁樵

水路不如山路穩斧斤豈若釣絲輕相逢未便分優劣

煙水雲山一種情

元海粟馮公創為梅花百絕中峯上人又為百律每首制題青陽胡氏澱洲和中峯臥雲和海粟一峯和詩有

明

金華詩錄

卷二十七

三

律有絕合為一冊曰百梅效顰集不勝登載又不宏刪節因誌其槩于此

盧格

格字正夫東陽人成化十七年登進士第官貴

溪知縣歷江西道御史奉命巡按廣東以母老

乞歸時逆瑾亂政知時不可為闕隙地鑿池種

荷建亭其上讀書為樂居林下者二十餘年難

經伉伉雖前賢不少假自號荷亭有荷亭集

章楓

山復盧正夫書荷亭辨論明白痛快而義理淵浚非淺薄所能測識然有不能無疑者一謂朱子集註四書不備著諸儒名氏愚竊以為朱子初修論五集義精義等書及中庸輯略皆備錄諸儒之言而著其名氏又皆有或問以辨其得失至于集註不過節其精要之語以便誦習雖不詳錄恐亦無害乎一謂孔子論易主義理無一語上筮而朱子專主上筮為非愚竊以為伏羲畫卦文子周公繫辭本為上筮而作孔子于

大傳如所謂開物成務與神物以前民用所謂定天下之吉凶成天下之亶亶莫大乎蓍龜者皆以卜筮言也朱子本義無非因卜筮而發明其義理以示人義理卜筮豈可岐而二之哉一謂綱目書法莽操懿裕楊堅皆同象弑而有書莽書主書帝之異賈充楊素李勣李林甫罪惡百倍楊雄而書死書卒不同爲朱子之失思竊以爲鄭莊公之子忽爲世子突乃庶子皆由祭伯立春秋子忽止書世子而突書鄭伯晉獻公之子奚齊卓子皆爲里克弑春秋一書殺其君之子一書弑君聖筆子奪固有深意則綱目之書莽書主書帝豈可以一例裁之乎彼充素賈備賢者之意乎 劉念臺重刊荷亭集序略云古聖人之書當焚餘殘脫穿鑿附會之後拾其亡佚正其訛舛而發明其遺義在朱子似爲差備然傳之久而失其真是者終未能無也天子曰述而不作信而好古既信且好之而又刪之定之益損而筆削之何居凡以求得之于心而不敢苟同于古人也學惟大疑而後能大信後儒不及前人其亦果于自信之意多而存疑者寡也東陽盧正夫先生純孝篤行君子也令貴溪多患政以母老乞歸築荷亭三楹鑿戶不出自奉養外日取古聖人書讀之所著荷亭辨論十卷蓋皆評古文之緒論質之聖人而不能無疑因反復其說以求當乎本心之所安至與朱子相異同亦且十居六七若先生可爲真能疑者矣古人云讀書如辨獄善辨獄者必真見理之曲直而後可折其是非即前人已成鐵案吾反之於心而有所不安庶可與讀荷亭辨論矣

金華詩錄 卷二十七

十三

江行二首

薄暮發江訐行行意若何明月揚清輝涼風起微波臨流不能寐自飲還自歌

夜闌酒初醒風物無限情松壑發靈籟蘭槳擊空明徘徊復徘徊懷抱一時清

蚤行次溫庭筠韻

晨起理梳洗西風出故鄉雞鳴海底日人立渡頭霜落葉亂鋪路橫枝低拂牆馬行俄躍足野水入方塘

送陳節之歸義烏

春風聯轡謁通明又見承恩出鳳城卮酒年分亭桺細  
寸心先逐馬蹄輕雲飛東海家千里人倚西樓遂數聲  
嗟我懷親歸未得夕陽回首亂山橫

遣興

莫歎風塵行路難閒過僧舍借花看數聲嗚鳥不知處  
滿地綠陰清晝寒

西湖

十里湖光綠染衣滿船燈火夜忘歸憑誰寄語林和靖  
近歲梅花學雪飛

明

金華詩錄

卷二十七

十四

祝獻

獻字廷蘂蘭谿人成化二十年登進士第歷常  
熟福山令遷太僕寺丞

和章三峯登北高峯韻

中天開勝境負郭見名山谷迴雙流碧軒明萬象斑雞  
鳴丹嶂午僧掃白雲閒采藥堪投老相期共歲闌

姜麟

麟字仁夫蘭谿人成化二十三年登進士第官

刑部主事歷四川按察司僉事爲人尙氣招謗

被劾歸專意於學有姜仁夫集

妾薄命

命薄傷無家牽蘿補苴屋雲鬢空委地插花當簪玉重  
門簾幙垂燕子過亦稀夜拈繡鍼譜畫挽纜絲車郎心  
如柳絮隨風蕩不收妾心如井泉止水誓不流晨朝啓  
房櫳亂紅落芳草忽作子規啼不知春已老

雜興

楊柳搖沙岸蒹葭覆石溪絲綸收釣艇煙雨上蓑衣

畫梅爲友人題

積雪封林株花神不知冷幽香凍亦浮歷歷珊瑚影

李塾

明 金華詩錄 卷十七

圭

塾字敬敷東陽人

烏棲曲

海靈館中春日晚宮樹沉沉烏棲滿吳王行樂竟日時  
鶯歌燕舞無休散天池激灑琉璃明玉腕蕩槳搖空青  
歡娛未畢東方白銅龍水咽晨雞鳴此時爭欲嬌君意  
迴晝作夜甘不寐誰知樂極能生愁越江浪卷蘇臺秋

當窗織

耶孃天一方舉頭長太息出門爲人婦從人作怡戚晨  
昏機杼力已盡續斷摘簷不成尺于梭織就文鴛央水  
凍手寒愁倍得裁衣與郎莫棄纒應念絲絲繇累積心

轉淒鳴促織

題涵碧亭圖

蒼峽飛泉噴白虹  
印心寒影浸晴空  
雙魚下戲石根月  
羣籟倒翻巖樹風  
碧草著花珠爛漫  
雲厓蝕蘚玉瓊瓏  
朝來策杖尋遺址  
猶怪丹青筆未工

童偉

偉字邦雄蘭谿人

田家樂二首

茶煙東塢西塢麥飯三家兩家觀  
稼隴頭老叟采蓮溪上嬌娃

明

金華詩錄

卷二十七

六

倚闌細菊還瘦  
開杙新雞正肥  
宿釀鴉黃浮甕  
晚炊雪白翻匙

錢奎

奎字公器金華人

題竹

西風吹入江波寒  
江草無色江樹丹  
九疑峯高隔風雨  
黃陵野廟向江漣  
江上猗猗萬竿綠  
斑斑剝啼痕染蒼玉  
月照石壇風定時  
鳴鸞罷舞葉離披  
蔣詡徑間金瑣碎  
習家池定碧參差  
寶鴨香浮漏聲靜  
清氣逼人衣袂冷  
胸中塵俗盡掃除  
惟有詩思供馳騁  
坐嘯時時對此君

咀嚼文字搜奇芬得句刻入冰霜節山靈爲我暮煙雲

### 鄭勳

勳字季建浦江人義門梃子有怡雲集

浦陽人物志補遺勳

有送仲父長史入蜀諸作達于獻王有無愧盛唐之稱洪熙初叔父簡討挾之入觀臺閣諸公聞其名爭相延致欲薦之朝辭不受

### 錢塘秋懷

涼風浙浙暑全消西候行秋轉斗杓金井碧梧初墜雨  
銀河烏鵲又成橋泥沙欲蝕錢王箭江水空傳伍子潮  
惟有鳳凰山上月夜溪猶照客吹簫

### 鄭述

述字允鵬浦江人

明

金華詩錄

卷二十七

七

### 戲馬臺

項王英雄稱蓋世尊前不悟謀臣計范增怒氣如長虹  
拔劍一揮雙壁碎歸來躍馬臨高臺千乘萬騎奔風雷  
烏江事業付流水咸陽霸氣隨寒灰誰料荒涼六百載  
宋武重遊增感慨于今往事總成空九日黃花復誰采

### 李陵臺

漢家將軍恃驍武提兵遠蹋單于土浚稽山頭建旗鼓  
豈料身亡作降虜五千健卒俱血流隻輪匹馬誰復收  
長戈委雪精光冷戰袍掩面將軍羞丈夫一死何足惜  
豈肯低頭拜蠻賊九泉難見韓延年卻上高臺望鄉國

詩粹謂李建十臺懷古詩可與吳正傳作頤頤然細按之  
祇匡廓具耳不若允鵬六臺懷古詩雄傑自喜因錄一云

吳一式

一式字子正東陽人

春宮詞

百轉鶯聲曉禁中  
蛾眉睡覺錦幃空  
轟雷何處宮車過  
獨對桃花一樹紅

明 金華詩錄卷二十七

金華詩錄 卷二十七

六

10807

